

ZAPISNIK SA

**Devete radne sjednice Skupštine Kantona Sarajevo, održane u srijedu, 19.06.2019.
godine sa početkom rada u 10,00 sati**

Predsjedavajući Elmedin Konaković je otvorio Devetu Radnu sjednicu Skupštine Kantona Sarajevo i pozdravio sve prisutne.

Nakon obraćanja predsjedavajućeg uslijedilo je intoniranje Himne Bosne i Hercegovine. Izostanak sa ove sjednice opravdao je zastupnik Sabahudin Delalić.

Sjednici su prisustvuju zastupnici/zastupnike:

SDA - STRANKA DEMOKRATSKE AKCIJE

10. Hamed Aljović
11. Jasmina Bišćević-Tokić
12. Samra Čosović-Hajdarević
13. Mirza Čelik
14. Mahir Dević
15. Amra Hasagić
16. Admela Hodžić
17. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić
4. Damir Marjanović
5. Elvis Vreto

SOCIJALDEMOKRATSKA PARTIJA BOSNE I HERCEGOVINE

1. Igor Stojanović

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Zvonko Marić
3. Dževad Poturak
4. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić

SAMOSTALNI ZASTUPNICI/ZASTUPNICE:

1. Damir Nikšić

Prijedlog dnevnog reda Devete radne sjednice Skupštine Kantona Sarajevo utvrdio je Kolegij Skupštine na sjednici održanoj dana 07.06.2019.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 14.06.2019. godine, prihvatio je da se Prijedlog dnevnog reda Devete radne sjednice, dopuni sa sljedećim tačkama:

1. Prijedlog Autentičnog tumačenja člana 138. stav 7. Zakona o visokom obrazovanju ("Službene novine Kantona Sarajevo", broj:33/17) (razmatrat će se kao tačka 4.);
2. Prijedlog odluke o imenovanju zamjenika pravobranioca Pravobranilaštva Kantona Sarajevo;(razmatrat će se kao tačka 5.);
3. Prijedlog odluke o izmjeni Odluke o imenovanju Nezavisnog odbora Skupštine Kantona Sarajevo (razmatrat će se kao tačka 6.);
4. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo (razmatrat će se kao tačka 7.).

Prije prelaska na utvrđivanje Dnevnog reda podsjetio bih vas da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka uslijedilo je razmatranje donošenja **Prijedloga zakona o izmjenama i dopunama Zakona o unutrašnjim poslovima,po hitnom postupku.**

Zastupnik Mahir Dević je imao poslovničku intervenciju (citiramo):

„Zahvaljujem predsjedavajući. Poslovnička intervencija se odnosi na povredu člana 176 Poslovnika i člana 174 prilikom formiranja dnevnog reda, a vezano za autentično tumačenje Zakona koje je bilo kao dopuna dnevnog reda. Naime, u članu 176 Poslovnika o radu Skupštine Kantona jasno se propisuje da se kod autentičnog tumačenja primjenjuju iste odredbe kao redovna procedura kada donosimo određenu vrstu Zakona. Prema tome, tu je Poslovnik kristalno jasan. A u članu 174 to još jasnije opisuje na koji način to provodi Zakonodavno-pravna komisija. Pa se tu kaže da Zakonodavno-pravna komisija pošto pribavi potrebna mišljenja i dokumentaciju od radnih tijela, Vlade i drugih kantonalnih organa nadležnih za staranje o izvršavanju ili provođenju donesenog Zakona ocjenjuje da li je inicijativa odnosno prijedlog za davanje autentičnog tumačenja Zakona osnovana. Ako Zakonodavno-pravna komisija ocijeni da prijedlog odnosno inicijativa za davanje autentičnog tumačenja nisu osnovani, o tome će obavijestiti predsjedavajućeg Skupštine. Ako utvrdi da je inicijativa osnovana, Zakonodavno-pravna komisija utvrdit će prijedlog teksta autentičnog tumačenja koji sa svojim izvještajem podnosi Skupštini. Mi smo na Zakonodavno-pravna komisija imali samo mišljenje ministricе, odnosno resornog Ministarstva za obrazovanje, nauku i mlade Kantona Sarajevo, čak je i ono bilo negativno. Uopće nismo shodno odredbama člana 176 Poslovnika dobili izjašnjenje Vlade Kantona Sarajevo, radnih tijela Skupštine, prije svega ovdje mislim na Komisiju za obrazovanje, koja je bila i te kako pozvana da nam da tu vrstu tumačenja i na Zakonodavno-pravna komisija odnosno na njenom predsjedniku nije bilo da bira koji će materijal dobiti na toj sjednici već da pribavi sva

potrebna mišljenja, i to imeprativno. S obzirom na činjenicu da mi nismo dobili ta mišljenja, postavlja se pitanje da li je ova tačka uopće spremna za razmatranje na današnjoj sjednici s obzirom da flagrantno krši članove 176 Poslovnika i 174 Poslovnika o radu Skupštine Kantona Sarajevo. Tako da mi cijenimo da ova tačka danas nema zakonske uvjete da bude uvrštena na dnevni red današnje sjednice Skupštine.”

Zastupnik Aljoša Čampara je imao poslovničku intervenciju (citiramo):

„Zahvaljujem predsjedavajući. Pozdravljam sve prisutne. Upravo na tragu ovoga što je kolega Dević govorio, gdje su pobrojani svi ovi članovi, ja ovdje ne znam koji već put moram ponavljati jednu te istu stvar, da mi jednostavno imamo utvrđenu proceduru. Imamo Poslovnik, imamo članove Poslovnika koji su tačno navedeni i koji tretiraju određene stvari. Stvari apsolutno ovdje normirane. E sada, ne možete vi kao Kolegij utvrditi nešto što je suprotno Poslovniku onda nam ne treba Poslovnik. Dakle za sve u životu postoje procedure. Ako hoćemo vladavinu prava, vladavinu Zakona. Dakle, apsolutno ova tačka ne može doći na dnevni red zato što formalno pravno nisu ispunjeni prethodni uslovi da bi tačka bila na dnevnom redu. To je jedna stvar. Da ne ponavljam se za gospodinom Devićem. Druga stvar radi koje sam se isto javio. Vi ste svi dobili kao mi ovdje zastupnici, pismo zahtjev Skupštini Kantona Sarajevo, po ovoj tački. Ja ne znam da li ćete vi kao Kolegij uzimati to sada u razmatranje ili ćemo mi to kao Skupština, zahtjev za obraćanje predsjednika sindikata UNSA. Ukoliko naravno ova tačka dođe na dnevni red, ukoliko mi prekršimo Poslovnik i sve ono što je propisano Poslovnikom, ova tačka može doći na dnevni red. Ukoliko se bude držali Poslovnika, prava, i onoga što je propisano stvarno nema nikakvih uslova, ne vidim razloga. Ukoliko neko želi da se tačka nađe na dnevnom redu, da napravimo pauzu, pa da se onda pribave sva ova ostala mišljenja radnih tijela i ono što je propisano Poslovnikom. Ja samo plediram da se vratimo u proceduru i da imamo formalno pravni osnov da raspravljamo, ne samo o ovoj tački, nego o bilo kojoj drugoj tački dnevnog reda. Hvala.”

Predsjedavajući Skupštine se obratio zastupnicima te pozvao ministra unutrašnjih poslova Admira Katicu da da obrazloženje za donošenje Zakona o izmjenama i dopuna Zakona o unutrašnjim poslovima.

Ministar Admir Katica se obratio Skupštini a nakon njegovog izlaganja za pitanja su se javili zastupnik Mirza Čelik, zastupnik Aljoša Čampara, zastupnica Samra Čosović-Hajdarević, predsjedavajući Elmedin Konaković, zastupnica Jasmina Bišćević- Tokić, zastupnik Mahir Dević, zastupnica Admela Hodžić, zastupnik Damir Nikšić i zastupnica Bibija Kerla.

U diskusiji o donošenju Zakona o izmjenama i dopuna Zakona o unutrašnjim poslovima po hitnom postupku učestvovali su: predsjedavajući Elmedin Konaković, zastupnik Aljoša Čampara, zastupnik Mirza Čelik, zastupnik Mahir Dević, zastupnik Damir Nikšić, zastupnica Jasmina Bišćević- Tokić, zastupnik Zvonko Marić, zastupnik Elvedin Okerić, zastupnik Igor Stojanović, zastupnica Segmedina Srna Bajramović, zastupnik Dževad Poturak, zastupnik Damir Marjanović, zastupnica Amra Junuzović- Kaljić i zastupnica Jasna Duraković.

S OBZIROM DA NIJE BILO VIŠE PRIJAVLJENIH ZA DISKUSIJU PREDSEDJAVAJUĆI JE POZVAO ZASTUPNIKE DA PRISTUPE IZJAŠNJAVANJU DA SE PRIJEDLOG ZAKONA O IZMJENAMA I DOPUNAMA ZAKONA O UNUTRAŠNjim POSLOVIMA DONESE PO HITNOM POSTUPKU. MOŽETE GLASATI. MOLIM REZULTATE GLASANJA.

NAKON ELEKTRONSKOG GLASANJA KONSTATOVANO JE DA JE SKUPŠTINA USVOJILA PRIJEDLOG DA SE ZAKON IZMJENAMA I DOPUNAMA ZAKONA O UNUTRAŠNJIM POSLOVIMA DONESE PO HITNOM POSTUPKU VEĆINOM GLASOVA (21 „ZA”, 7 „PROTIV” I 1 ”SUZDŽRAN”).

Nadalje, predsjedavajući je naglasio da je predloženo donošenje Zakona o izmjenama i dopunama Zakona o policijskim službenicima Kantona Sarajevo također po hitnom postupku.

Ministar unutrašnjih poslova Admir Katica je dao obrazloženje za donošenje Zakona po hitnom postupku (citiramo):

„Hvala vam lijepa predsjedavajući. Dakle Zakon o unutrašnjim poslovima Kantona Sarajevo je Zakon o policijskim službenicima Kantona Sarajevo predstavljaju jedno organizaciono, pravno, suštinsko jedinstveno. To su dva Zakona koja jedan sa drugim su braća. Dakle moraju biti donesena u istom postupku, pred istim organom jednog dana. To je moje promišljanje o tim zakonima. I oni se u svojim rješenjima naslanjaju jedan na drugi, kako pitanja policijskog odbora, zatim ovamo Odbora za žalbe javnosti, Nezvisnog odbora, policijskog komesara, pravo policijskih službenika itd. I još drugi argument jeste meritorna javna rasprava na radnog grupi obavljena. Meritorna javna rasprava. Znači svi učesnici koje sam nabrojao, to su ti akteri društveni u našoj sigurnosnoj zbilji koji imaju spoznaje o tome šta je potrebno za sigurnost Kantona Sarajevo i za poboljšanje policijskog sistema u Kantonu Sarajevo. Ako mogu dodati ovo za sindikat samo ako nije problem.”

Pitanja za ministra Admira Katicu vezano za donošenja Prijedloga zakona po hitnom postupku su imali zastupnik Mahir Dević, zastupnik Aljoša Čampara, zastupnica Samra Čosović-Hajdarević i zastupnik Elvedin Okerić.

PRIJAVLJENIH ZA RASPRAVU NIJE BILO PA SU ZASTUPNICI I ZASTUPNICE POZVANI DA PRISTUPE ELEKTRONSKOM GLASANJU O PRIJEDLOGU DA SE ZAKON O IZMJENAMA I DOPUNAMA ZAKONA O POLICIJSKIM SLUŽBENICIMA KANTONA SARAJEVO DONESE PO HITNOM POSTUPKU.

NAKON REZULTATA GLASANJA KONSTATOVANO JE DA JE SKUPŠTINA VEĆINOM GLASOVA (22 „ZA”, 7 „PROTIV”) USVOJILA I OVAJ PRIJEDLOG.

UTVRĐIVANJE DNEVNOG REDA SJEDNICE.

Zastupnik Mahir Dević se javio poslovnichkom intervencijom koju citiramo:

„Kratka jedna intervencija. Znači ja sam govorio u uvodu o članovima da ih ne ponavljam, želim samo da kažem ponašanje kluba SDA. Znači mi zaista smatramo da ova tačka o autentičnom tumačenju nije stekla zakonske uslove da ide na sjednicu, naravno vi ste rekli da je tu predlagatelj Zakonodavno-pravna komisija, ukoliko se ima volje i želje da se prihvati da je to stanje takvo vi možete prije glasanja dnevni red, održati brzinsku sjednicu Kolegija i tu tačku dnevnog reda skinuti. Ukoliko naravno vi to ne želite kao parlamentarna većina mi nećemo nikako glasati za dnevni red jer ovaj dnevni red nije napravljen u skladu sa Poslovnikom, odnosno zakonom. Eto toliko”.

Predsjedavajući je odgovorio zastupniku Deviću (citiramo):

„Hvala kolega Deviću. Dnevni red je sigurno napravljen u skladu s Poslovníkom jer je tako utvrdio Kolegij koji je, moram podsjetiti jednoglasno donio odluku o terminu održavanja sjednice i dnevnom redu. Tako da prelazimo na utvrđivanje dnevnog reda današnje sjednice”.

SKUPŠTINA KANTONA SARAJEVO JE VEĆINOM GLASOVA (23 „ZA”, „PROTIV” I „SUZDRŽANIH NIJE BILO) USVOJILA USVOJILA SLJEDEĆI DNEVNI RED:

1. Poslanička/zastupnička pitanja, inicijative i odgovori;
2. Prijedlog zakona o izmjenama i dopunama Zakona o unutrašnjim poslovima Kantona Sarajevo-hitni postupak;
3. Prijedlog zakona o izmjenama i dopunama Zakona o policijskim službenicima Kantona Sarajevo-hitni postupak;
4. Prijedlog Autentičnog tumačenja člana 138. stav 7. Zakona o visokom obrazovanju ("Službene novine Kantona Sarajevo", broj:33/17);
5. Prijedlog odluke o imenovanju zamjenika pravobranioca Pravobranilaštva Kantona Sarajevo;
6. Prijedlog odluke o izmjeni Odluke o imenovanju Nezavisnog odbora Skupštine Kantona Sarajevo;
7. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
8. Izvještaj o izvršenju Budžeta Kantona Sarajevo za period od 01.01. do 31.01.2018.godine;
9.
 - a) Prijedlog odluke o davanju saglasnosti za potpisivanje ugovora o kupoprodaji nekretnina označene kao k.č. 1010 k.o. Sarajevo VII, u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;
 - b) Prijedlog odluke o davanju saglasnosti za potpisivanje ugovora o kupoprodaji nekretnina označene kao k.č. 319/2 i 319/6 k.o. Kobilja glava, u skladu sa članom 11. i 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;
 - c) Prijedlog odluke o davanju saglasnosti za potpisivanje ugovora o kupoprodaji nekretnina označene kao k.č. 1024/1 i k.č. 1024/2, k.o. Sarajevo VII, u skladu sa članom 23 Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;
10. Prijedlog odluke o davanju saglasnosti za zaključenje Ugovora o zakupu poslovnog prostora – bolnički kompleks bivše Klinike za kožno – venerične bolesti "Dr. Ernest Grin", za 2019. i 2020. godinu između ugovornih strana: Kliničkog centra Univerziteta u Sarajevu kao zakupodavca i Kantona Sarajevo (Ministarstva za rad, socijalnu politiku, raseljena lica i izbjeglice, Ministarstva zdravstva i Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba") kao zakupca;
11. Prijedlog odluke o davanju saglasnosti Ministarstvu unutrašnjih poslova Kantona Sarajevo za prodaju motornih vozila javnom licitacijom koja se vodi u evidenciji osnovnih sredstava navedenog Ministarstva, odnosno Uprave policije, u predloženom tekstu;
12. Prijedlog odluke o proširenju djelatnosti Javne ustanove Srednje škole poljoprivrede, prehrane, veterine i uslužnih djelatnosti, Sarajevo na djelatnost obrazovanja odraslih;
13. Izvještaj o radu i finansijskom poslovanju Kliničkog centra Univerziteta u Sarajevu za 2018. godinu;
14. Izvještaj o radu sa finansijskim poslovanjem Univerziteta u Sarajevu za period 01.01.-31.12.2018. godine, podnesen od strane Upravnog odbora Univerziteta u Sarajevu;

15. Izvještaj o radu i finansijskom poslovanju Zavoda za izgradnju Kantona Sarajevo, za 2018. godinu;

Predsjedavajući je podsjetio da prije realizacije prve tačke dnevnog reda je obavezno razmatranje Zapisnika sa stenogramom Osme radne sjednice, koji je dostavljen uz poziv za sjednicu.

Zastupnici i zastupnice su pristupili izjašnjavanju i nakon izjašnjavanja konstatovano je da je Skupština bez primjedbi jednoglasno (29 „za”) potvrdila Zapisnik sa Osme radne sjednice Skupštine Kantona Sarajevo održane 14.05.2019.godine.

Prva tačka dnevnog reda počela je s realizacijom u 12,00 sati.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnik Amel Mekić uputio je zastupničku inicijativu:

„Zastupnička inicijativa pokrećem inicijativu prema Vladi, premijeru i ministrima da se JU i JP čiji je osnivač Kanton Sarajevo obavežu da se svim srednjoškolcima koji ne namjeravaju nastaviti dalje školovanje, kao i studentima nakon završenih fakulteta omogući da obave pripravnički staž najdalje u roku od 12 mjeseci kako bi što prije stigli na tržište rada. Hvala vam”.

Zastupnik Mirza Čelik uputio je zastupničku inicijativu:

„Pa ja imam jednu inicijativu. Pitanja ću dostaviti naknadno. Pokrećem inicijativu da se Skupština Kantona Sarajevo izjasni i donese sljedeći zaključak, a ja sam svoju inicijativu uspio kopirati i proslijediti stručnim službama da podijele zastupnicima. I naravno prije zaključena ove tačke ja ću moliti vas predsjedavajući da date ovu moju inicijativu, odnosno zaključak na izglasavanje. Zaključak glasi:

Skupština Kantona Sarajevo upućuje gradu Mostaru svoju nepodijeljenu podršku u njegovoj kandidaturi za europsku prijestolnicu kulture 2024 godine. Prolazak Mostara u drugi krug izbora za europsku kulturnu prijestolnicu još jedna od potvrda njegove ljepote bogatstva sadržaja i posebne simbolike naše istorije u stvaranju trajnih ljudskih i kulturnih vrijednosti. Nije slučajno upravo Mostar i na svjetskoj razini prepoznat i preporučen kao grad iznimne posebnosti, kao grad koji se mora vidjeti i doživjeti. Mostar je bio i ostao mjesto velike borbe za državu BIH i danas je važna karika njenog trajanja i opstojnosti. Mostaru, gradu heroju i u ratu i u miru Skupština Kantona Sarajevo želi iskazati veliku podršku i dati im materijali doprinos u njegovom putu ka europskoj kulturnoj prijestolnici 2024 godine”.

Zastupnik Jasmina Bišćević Tokić uputila je dva zastupnička pitanja i dvije inicijative:

„Ja za danas imam dva zastupnička pitanja i dvije inicijative. Prvo zastupničko pitanje je za Vladu Kantona Sarajevo tiče se zašto nisu dostavljene Skupštini Kantona mjesečne informacije o saglasnostima na zapošljavanje koje su date institucijama u Kantonu Sarajevo na neodređeno vrijeme, te molim da mi se dostavi informacija sa imenima i prezimenima zaposlenih kojima je dala Vlada Kantona Sarajevo za zapošljavanje od 27.02. 2019.godine.

Drugo zastupničko pitanje upućeno Ministarstvu kulture i sporta Kantona Sarajevo. Zašto nisu objavljeni spiskovi sa nazivima odobrenih projekata iz kulture i sporta za 2018 godinu i da li će biti javno objavljeni spiskovi sa nazivima odobrenih projekata za 2019 godinu?

Inicijativa je sljedeća koja ide Vladi Kantona Sarajevo, Ministarstvu saobraćaja Kantona Sarajevo i Ministarstvu za rad, socijalnu politiku raseljena lica i izbjeglice upućujem inicijativu za obezbjeđene besplatnog prevoza osobama sa invaliditetom u autobusima tzv. komercijali prijevoznika KJKP GRAS i Centrotrans Eurolines. Naime, iako i ova prijevozna sredstva autobusi tzv. komercijale nisu u potpunosti prilagođene prevozu osoba sa invaliditetom svjedoci smo da veliki broj osoba sa invaliditetom iste koristi za prevoz u Kantonu Sarajevo obzirom da drugu mogućnost u okviru javnog gradskog prevoza u Kantonu Sarajevo nemaju. Mjesečni kupon javnog gradskog prevoza ne obuhvata njihovo korištenje, te su osobe sa invaliditetom izložene dodatnim troškovima odnosno plaćanju 2 KM za vožnju u jednom pravcu, što u oba pravca iznosi 4 KM. Smatram da bi Vlada Kantona Sarajevo trebala obezbijediti besplatan prevoz osobama sa invaliditetom u autobusima tzv. komercijalama prevoznika KJKP GRAS i Centrotrans Eurolines.

I inicijativa druga, upućujem inicijativu Vladi Kantona Sarajevo, Ministarstvo prostornog uređenja, građenja i zaštite okoliša Kantona Sarajevo i KJKP RAD a u vezi sa deponijom Smiljevići.

Na 25. Sjednici Općinskog vijeća Općine Novi Grad Sarajevo održanoj 30.05.2019. vijećnica Elza Gaković uputila je inicijativu u vezi sa deponijom Smiljevići, te i ja upućujem ovu inicijativu Vladi Kantona Sarajevo, Ministarstvo prostornog uređenja, građenja i zaštite okoliša i KJKP RAD. Naime, Višegodišnja borba građana naselja; Zabrđe, Sokolje, Briješće, Alipašin Most 1, Alipašin Most II, Buća Potok kao i revolt izazvan nesavjesnim odnosom prema njima prije tri godine izazvali su reakciju građana koji su za posljedicu imali proteste i zabranu odvoza otpada. Mnogi zaključci i zahtjevi građana ni do danas nisu realizirani. Odgovornosti su se usmjeravale na Tužilaštvo te sprovođenje istražnih radnji, na nelegalno izgrađene objekte. Tada su obavljeni razgovori predstavnika građana sa predstavnicima Tužilaštva i obavješteni smo kako su istražne radnje okončane te se može pristupiti sanaciji pokidanih postrojenja za otplinjavanje. Evo ja ću u pismenoj formi da ne oduzimam vrijeme predati svoju inicijativu”.

Zastupnik Zvonko Marić uputio je dva zastupnička pitanja i jednu inicijativu:

„Ja imam set pitanja ali ću nastojati da plasiram barem na ovaj način dva pitanja i jednu inicijativu.

Molim Vladu KS da me izvijesti o provedenim aktivnostima na realizaciji projekta izgradnje spalionice animalnog otpada budući da ugovori pravnih lica sa KJKP RAD ističu 03.07.2019. I prema informacijama koje imam neće biti produžavani. Stoga pitam: Kada će spalionica biti izgrađena? Koji su planovi za animalni otpad u međuvremenu? I bojim se da nakon perioda šminkanja i izvlačenja tuđeg prljavog veša došlo je vrijeme da ova Vlada pristupi rješavanju konkretnih problema građana poput problema građana koji žive u blizini deponije Smiljevići i izloženi su neugodnim mirisima, koji zbog nesanitarnog odlaganja smeća imaju povećan broj oboljenja, a najgore u tome je što stradaju djeca. Nemojte da naša obećanja i dogovori sa građanima budu uzaludni. I još jedno upozorenje Vladi, molim vas premijeru ukoliko je moguće da iz vašeg ureda dobijem što prije odgovore na pitanja koja sam puno ranije postavio jer bojim se ukoliko to ne počnete da prakticirate preći će vam u naviku pa nećete nikako odgovarati na ova pitanja.

Druga stvar je upućujem Ministarstvu prostornog uređenja također i zaštite okoliša da mi na svojevrsan način odgovori šta zapravo znači inicijativa kolege Vrete Elvisa za formiranje ekspertnog tima za retroaktivnu reviziju svih aktivnosti na značajnim ekološkim projektima kao što je prečistač u Butilama, Sanitarna deponija, monitorinzi kvaliteta zraka, zaštita izvorišta vode za piće, zbrinjavanje animalnog i medicinskog otpada i slično. Dakle, nije odgovoreno na ovo pitanje i ja sam imao namjeru da ga postavim kada je on na onoj sjednici ali volio bih da ponovo iniciram ovo pitanje i da se odgovori na adekvatan način, jer naprosto

ako nema adekvatnog odgovora bojim se da je ovo uzaludan posao. Dakle, usput pohvalio bih zainteresiranost ministra Bašića koji je kako sam upoznat pokrenuo razgovore oko tima za zaštitu izvorišta ali bih ipak podržao ideju multidisciplinarnog pristupa za sve značajnije objekte jer to predstavlja interes resorno Ministarstvo ili djelovanje. I na koncu, volio bih da vas izvijestim kako smo mi vezano za sanitarni otpad pripremili kao klub SB inicijativu gdje smo ponudili rješenja i sve drugo što je potrebno i detektovali probleme pa ću u pisanoj formi priložiti iz prostog razloga što bi mi drugo vremena trebalo za takvo nešto da obrazložim. I na koncu upućujem Ministarstvu prostornog uređenja, građenja i zaštite okoliša zašto nije do današnjeg dana počeo sa radom Kantonalni fond za zaštitu okoliša Kantona Sarajevo. Koliko sredstava je do sada Federalni fond za zaštitu okoliša po raznim osnovama prikupio do sada i transferisao Kantonu Sarajevo. Da li aplikanti na javni poziv za dodjelu bespovratnih sredstava kojima ne bude odgovoreno odobrena sredstva, dobijaju pisane obavijesti. Dakle nema toga radi se o milionskim svotama. Hvala vam. Ostatak ću priložiti upisanoj formi”.

Zastupnik Mahir Dević uputio je jedno zastupničko pitanje i dvije inicijative:

„Jedno pitanje i dvije inicijative. Pitanje prema ministru privrede. Kada je planirano na sjednici Vlade Kantona Sarajevo da se usvoji raspodjela sredstava od opšte korisnih funkcija šume za 2019 godinu?

Dvije inicijative, jedna prema Ministarstvu saobraćaja prema ministru Šteti da putem Direkcije za ceste Kantona Sarajevo pokrene proceduru rekonstrukcije puta Donji Čevljanovići – Gajevi. To je inače put kojim saobraća javni prevoz za učenike od kantonalnog je značaja i zaista ima nekoliko vrlo ružnih, udarnih rupa i prokopa preko puta. Pa evo ministre, ja očekujem da ćete vi reagovati preko Direkcije za ceste Kantona Sarajevo.

Inicijativa prema ministrici za obrazovanje nauku i mlade Kantona Sarajevo, bez namjere da se jedno ozbiljno pitanje politizira kao što je bio slučaj i da se daju neki nesuvisli odgovori kako određenim nastavnim kalendarom je nešto planirano ili nije. Vi jako dobro znate ministrice, kao što i ja znam da je nastavni kalendar materija koja se mijenja na dnevnoj bazi. Ne znam šta je bio razlog da se ne izvrši izmjena kalendara da drugi dan ramazanskog Bajrama, tačnije Dan šehida bude neradni dan za učenike u Kantonu Sarajevo, ali evo bez obzira na sva obrazloženja i ta neka proceduralna pitanja, cijenim da je bila greška što vi niste to vašom odlukom riješili. I ja bih vas zaista zamolio u narednom periodu da kada su u pitanju Bajrami, a prije svega ovaj ramazanski Bajram, jer ovaj drugi će vjerovatno doći tamo negdje i na raspustu da takve stvari riješite vašom odlukom, kao što ste riješili pitanje 31.12. odnosno Dana dječje radosti koji je po kalendaru bio radni dan pa je postao neradni dan. Ali i nevažno. Pokrećem inicijativu da o tome povede računa u budućnosti, bez namjere da politiziramo”.

Predsjedavajući je ispravio krivi navod:

„Ispravka krivog navoda, nije to uradila ministrica, pošto ona nema pravo da odgovori, a vi ste to upustili u eter”.

Zastupnik Samra Ćosović-Hajdarević uputila je jedno zastupničko pitanje:

„Mene interesuje pitanje za premijera ako ne bude mogao odgovoriti usmeno, može bilo ko od Vlade. Mene interesuje, odnosno građane interesuje ko određuje plaćanje sponzorstva na Facebook stranici Vlade Kantona Sarajevo? Ko određuje iznose jer je vidljivo da se različito plaćaju odnosno sponzorišu određeni ministri i vijesti iz određenih ministarstava?”

Predsjedavajući je podsjetio zastupnike da sve svoje inicijative i pitanja trebaju dostaviti u pisanoj formi Službi za skupštinske poslove kako bi se isti mogli obraditi i uputiti na relevantne adrese.

Zastupnik Damir Marjanović uputio je dvije zastupničke inicijative:

„Imam dvije zastupničke inicijative, a o jednoj zastupničkoj inicijativi koju sam dostavio svim kolegama preko službi ću zamoliti kolege da se na kraju ove tačke dnevnog reda izjasne. Prva zastupnička inicijativa je vrlo je jednostavna s obzirom da je obrazovanje stub svakoga društva i da smo svjesni u kakvom se stanju obrazovanje trenutno u Kantonu Sarajevo i BiH nalazi, mislim da je prioritet svih prioriteta da ova Skupština se dobro upozna sa trenutnim stanjem ali i budućim planiranim aktivnostima u reformi obrazovnog sistema u Kantonu Sarajevo. Stoga pokrećem inicijativu da se u prvoj sedmici septembra, što pomalo jeste simbolično jer tada počinje vrlo brzo i nova školska godina, održi tematska sjednica Skupštine Kantona Sarajevo pod radnim naslovom „Analiza trenutnoga stanja i budućih planiranih aktivnosti u reformi obrazovnog sistema u Kantonu Sarajevo“. Znam da Ministarstvo obrazovanja zajedno sa Komisijom za obrazovanje i nauku radi mnogo stvari na tom pitanju imali smo čak i neke tematske sjednice, mislim da javnost zaslužuje da dobije informacije vezano za taj proces i vezano za sve ono što nas čeka u naredne tri godine po tom pitanju.

Druga inicijativa je također poprilično aktualna, evo dobili smo, imamo jednu tačku danas tumačenja nekoga autentičnog tumačenja člana Zakona, s druge strane uprvo sam sada pročitao i dopis uvaženih kolega iz sindikata UNSA. Iz osobnog iskustva, i kao profesor i kao rektor, evo i kao zastupnik znam da Zakon o visokom obrazovanju je spreman da se modificira na najbolji mogući način. S tim u vezi pokrećem inicijativu da se pokrenu aktivnosti glede priprema izmjene Zakona o visokom obrazovanju, naravno, kada kažem ubrzano, ne mislim na brzu proceduru, nego što prije i što hitnije, ali po standardnoj proceduri, a evo dat ću jednu od stvari koja može biti zanimljiva a koja nije uopšte vezana za ove sve aktivne i aktuelne stvari.

Recimo da imate Članove 53 i 59 Zakona, u cilju omogućavanja lakše realizacije nastave za studente koji pohađaju nastavu po principu „učenja na daljinu“, a u smislu povećavanja pristupačnosti ovog vida obrazovanja koji se realizira u Kantonu Sarajevo, studentima koji su strani državljani, moramo poraditi na tim članovima, a to je u skladu sa jednom od predviđenih mjera u programu Vlade pod nazivom: „Potpore internacionalizaciji UNSA kroz učešće u programima razmjena i osnivanje više studijskih programa na engleskom jeziku“; ista je stvar da moramo razmisliti o potencijalnu strukturnu modifikaciju Zakona koja je opet u skladu sa jednom od predviđenih mjera u programu Vlade pod nazivom: „Eventualno razdvajanje Zakon o visokom obrazovanju i Zakon o UNSA donošenjem novog Zakona o visokom obrazovanju i posebnog zakona o UNSA“. Ovo možete između ostalog naslutiti u mnogim diskusijama, mišljenjima mnogih kolega, evo sada sam pročitao između ostalog određene sugestije vezano koje su došle iz Sindikata UNSA”.

Zastupnik Sead Milavica je postavio dva zastupnička pitanja:

„Za danas imam dva pitanja. Prvo pitanje se odnosi na Ministarstvo zdravstva. Dakle, obzirom da je najavljen konkurs za upošljavanje zdravstvenog kadra u domove zdravlja, koliko je planirano planirano uposliti zdravstvenog kadra na području Općine Novi Grad?

Obrazloženje: Građani Općine Novi Grad, svakodnevno svjedoče velikim gužvama i nedostatku zdravstvenog kadra u domovima zdravlja i pripadajućim ambulantama, te je upošljavanje zdravstvenog kadra jedan od primarnih problema u ovoj Općini. Pisani odgovor. Moje drugo pitanje je upućeno Ministarstvu pravde.

Molim Ministarstvo pravde i uprave Kantona Sarajevo da mi dostavi informaciju o tome da li je moguće, uzevši u obzir ustavne nadležnosti Kantona, donošenje Zakona o elektronskom potpisu na nivou Kantona Sarajevo.

Također, molim Zavod za informatiku i statistiku Kantona Sarajevo da mi dostavi informaciju o tehničkim mogućnostima implementacije elektronskog potpisa i vezanih usluga koje bi koristile isti, na nivou Kantona. U obrazloženju:

Kvalifikovani elektronski potpis je povezan isključivo s potpisnikom i pouzdano ga identificira. Izrađen je tako da ga potpisnik može koristiti pod svojim isključivim nadzorom

uz visok stepen pouzdanosti i direktno je povezan s podacima na koje se odnosi i nedvojbeno omogućava uvid u bilo koju izmjenu izvornih podataka. Kvalifikovani elektronski potpisi imaju, u odnosu na podatke u elektronskom obliku, istu pravnu snagu kao i vlastoručni potpis i pečat u odnosu na podatke u papirnatom obliku.

Međutim, Zakon koji bi regulisao ovo pitanje još uvijek nije implementiran na nivou BiH i F BiH. I s tim u vidu, analiza mogućnosti donošenja savremenog pravnog okvira za elektronski potpis, koji bi koristio međunarodnu certifikaciju, kao i mogućnosti i rješenja za implementaciju istog u praksi i u okviru informatičkog prostora Kantona Sarajevo, bili bi prvi korak ka lakšem, jednostavnijem, bržem i transparentnijem pristupu i korištenju velikog broja usluga građanima u Kantonu Sarajevo”.

Zastupnik Senad Hasanović uputio je jednu zastupničku inicijativu i postavio dva pitanja:

„Za ovu sjednicu imam jednu inicijativu i dva pitanja.

Pokrećem inicijativu prema Vladi Kantona Sarajevo da u saradnji sa nadležnim institucijama pristupi iznalaženju tehničkog rješenja i izradi adekvatnih korekcija na ubrzivačima toka (kaskadama) rijeke Miljacke kako isti ne bi stvarali vrtloge .

Obrazloženje:

Postojeće kaskade u koritu rijeke Miljacke predstavljaju nespornu opasnost za građane Kantona Sarajevo, a naročito za djecu koja se kreću u blizini obala korita Miljacke. U proteklim godinama svjedoci smo da se na pomenutim kaskadama redovno skuplja smeće što dodatno narušava vizuelni dojam rijeke, narušava turističku sliku cijelog grada, ali što je daleko važnije predstavlja i sigurnosnu prijetnju za građane i goste Kantona Sarajevo. Uvažavajući činjenicu da su zbog ignorisanja ovog problema već izgubljeni ljudski životi, cijenim da Vlada Kantona Sarajevo treba inicirati i aktivno se uključiti u iznalaženje adekvatnog rješenja.

Pitanje upućujem Ministarstvu za obrazovanje, nauku i mlade Kantona Sarajevo. A glasi: U skladu sa kojim propisima je JU Centar za edukaciju i rehabilitaciju Vladimir Nazor svoje prostorije ustupila na korištenje privatnoj zdravstvenoj ustanovi? Dat ću i kratko obrazloženje pitanja. Osnivanjem JU Centar Vladimir Nazor kao specijalizovane ustanove od posebnog interesa za društvo, izgrađen je poseban objekat, prilagođen misiji ustanove. Postavlja se pitanje ko je i u skladu sa kojim propisima dio pomenute ustanove prenamijenio u komercijalnu svrhu izdavanja pod zakup privatnoj zdravstvenoj ustanovi ? Molim pisani odgovor.

Drugo pitanje upućujem Ministarstvu komunalne privrede i infrastrukture Kantona Sarajevo. Da li je Ministarstvo komunalne privrede i infrastrukture upoznato sa činjenicom da je u pojedinim dijelovima Kantona Sarajevo sredstvima općina sanirana ili u potpunosti izgrađena nova vodovodna i kanalizaciona mreža koju KJKP Vodovod i kanalizacija odbija preuzeti na upravljanje i održavanje ? Da li resorno Ministarstvo planira poduzimati mjere i aktivnosti po navedenom pitanju ? Molim pisani odgovor. Hvala.

Dopredsjedavajuća Danijel Kristić uputila je dvije zastupničke inicijative i uputila jedno pitanje:

„Ja imam dvije inicijative i jedno zastupničko pitanje. Prva inicijativa. Ovim putem podnosim inicijativu za postavljanje tri klupe u naselju Otes, jednu na stajalištu koje vodi prema Blažuju i Mostarskom raskršću, te na svim ostalim mjestima gdje nedostaju, a koja su u nadležnost Kantona. Molim Vladu i nadležna resorna ministarstva da se izjasne o istoj. Obrazloženje: Navedena stajališta koriste radnici koji čekaju prevoz prema Industrijskoj zoni koja se nalazi na putu prema Hadžićima, te su ljudi primorani da sjede po kartonima i gajbama, što stvara veoma ružnu sliku glavnog grada, te se na tim mjestima nakuplja smeće što čini dodatni problem.

Druga inicijativa, ovim putem podnosim inicijativu podnosim inicijativu za nabavku kanti za smeće sa dodatnim dijelom za odlaganje opušaka na frekventnim lokacijama, posebno dijelovima gdje ima puno radnji. Obrazloženje: Prema standardima na svakih 100m bi iste trebale bit postavljene. Zbog malog broja kanti i pepeljara, ljudi bacaju otpatke gdje stignu i opušci se bacaju u šahtove, što dovodi do začepjenja istih. Smatram da je to užasno i zabrinjavajuće. Mišljenja sam da bi postavljanje istih u znatnoj mjeri riješilo navedeni problem.

Zastupničko pitanje postavljam Studentskom centru Sarajevo.

1. Imam informaciju da su se namjenska sredstva koja je Studentski centar dobio od Ministarstva obrazovanja, nauke i kulture za obnovu i stavljanje u funkciju Đačkog doma Željezničkog školskog centara (u Buča potoku) trošena nenamjenski. Molim da mi dostavite odobrenu specifikaciju plana utroška sredstava i da mi objasnite zašto su sredstva trošena nenamjenski, jer svako nenamjensko trošenje dovodi u pitanje kompletnu realizaciju projekta i kršenje samog ugovora, te treba da snosi odgovornost onoga ko ne postupa sa sredstvima onako kako su odobrena.

2. Zašto objekat Đačkog doma ŽŠC-a još uvijek nije u funkciji, i ako je koliko sam informisana već odavno izvršen utrošak sredstava za obnovu i stavljanje u funkciju istog . Da li je procedura registracije objekta u skladu sa planiranom namjenom dovedena do kraja. Prema informacijama sa kojima raspolazem objekat je zaključan, obnovljen i ne koristi se za namjenu koja je planirana i definisana ugovorom, te da sama registracija nije završena radi ljudskog nemara.

3. Da li ste prije potpisivanja ugovora, vodili računa o mogućnost da se taj objekat koristi u namjene koje ste planirali, a kako sam mogla čut iz izjava u medijima plan je bio da se objekat otvori za smještaj gostiju i pružanja restoranskih usluga otvorenog tipa, uz naravno dio koji bi trebalo da koristi Ministarstvo obrazovanja. Koliko mi je poznato zbog registracije samog objekta Đačkog doma ova planirana djelatnost nije moguća prije izmjena u samoj registraciji. Molim da mi dostavite aktuelnu registraciju Đačkog doma, registraciju i dozvole za djelatnost koje su planirane, zatim potpisan Sporazum između Ministarstva, JU Studentskog centra i JU Željeznički školski centar, kao i ugovor između JU Studentski centar i i ŽŠC”.

Zastupnik Bilsena Šahman uputila je više zastupničkih inicijativa:

„I ja bih opet apelirala na sve da se inicijative počnu ozbiljno razmatrati i davati odgovori na vrijeme, jer zaista ovo što imamo i prenošenje na druge institucije, i nije naša nadležnost ne želim uopšte da prihvatim. Imam više inicijativa. Prva moja inicijativa je upućujem Ministarstvu za saobraćaj i Ministarstvu zdravstva Kantona Sarajevo. Pa tako od Ministarstva za saobraćaj KS tražim da se na cijelom području KS obezbijede zvučni semafori za slabovidna lica, kao i da se u javnom prevozu ofarbaju rukohvati, te da se pristupi izradi oglašavanja stanica u javnom prevozu. Od Ministarstva zdravstva KS tražim da obezbijedi asistente za slabovidne osobe, i da Zavod za javno zdravstvo KS kontinuirano radi na podizanju svijesti o specifičnosti problema slabovidnih osoba.

Druga inicijativa da također Zavodu za javno zdravstvo koje bi u koordinaciji sa Ministarstvom zdravstva da izvrši dezinsekciju na području Kantona Sarajevo protiv krpelja i komaraca. Obrazloženje neću davati ovdje. Svi znamo da ovih dana imamo pojačan ujede od krpelja odnosno probleme koje izazivaju i bolesti naravno.

Inicijativa Ministarstvu privrede da donese Zakon o ugostiteljstvu s obzirom da Kanton Sarajevo nema Zakon o ugostiteljstvu a turizam je zajednička nadležnost Federacije BIH i Kantona.

I jednu inicijativu za koju sam ostavila malo duže vremena. Upućujem je Ministarstvu pravde da utvrdi zakonsku regulativu koja će zadovoljiti ovakvu inicijativu, da se strogo i odmah

sankcionira bilo koji uvredljivi ili kompromitirajući sadržaji na portalima, a da se ograniči broj komentara čitalaca na najmanje moguću mjeru. Komentari čitalaca na web portalima su preuzeli i potpuno ovladali medijskim prostorima uništavajući novinarstvo, kulturu pisanja i čitanja, stvarajući atmosferu mržnje i hipokrizije, te na taj način doprinoseći opštoj nesigurnoj atmosferi u Bosni i Hercegovini. Povjerenje građana u novinarstvo je zloupotrebjeno kada su na scenu stupili portali, a nakon toga i komentari čitatelja bez identifikacije. Svjedoci smo da je ovaj medijski rat prerastao u rat botova-autora tekstova plaćenih od strane pojedinaca, u cilju plasiranja odgovarajućih vijesti za političke, stranačke i individualne potrebe pojedinaca. Komentari nisu izraz mišljenja građana, već vješto vođena kampanja od strane pojedinaca - kontrolisano usmjeravanje javnog mišljenja na način da se činjenice pogrešno interpretiraju, spinuju i javnost dovodi u zabludu. Danas se većina portala oslanja na komentare čitatelja koji im donose veću posjećenost stranicama i veću materijalnu dobit. Što su veće uvrede i senzacija to je veća dobit vlasnicima portala. Portal se zaklanja iza komentara čitalaca, pri tome se ograđujući da „komentari“ ne predstavljaju stavove redakcije“, iako se nalaze na istom prostoru kao i tekst. Administratori navodno uklanjaju uvredljivi sadržaj, u skladu sa svojim internim procedurama, ali na način kako i kada odgovara pojedincima. Ja sam morala angažovati Ombudsmana da sankcionišu pojedine portale. Prostor za komentarisanje je postao poligon za izživljavanje bolesnih umova, te prerastao u masovni govor mržnje. Koristeći postulate „slobode govora“ ili „kritičko novinarstvo“, komentari se koriste za manipulisanje javnošću i svakodnevno se na određenim portalima nalaze razni uvredljivi komentari o javnim ličnostima koje daleko prevazilaze dimenzije dopuštenog i civiliziranog ponašanja. Svjedoci smo vrijeđanja na vjerskoj, nacionalnoj i spolnoj osnovi”.

Zastupnik Admela Hodžić postavila je dva zastupnička pitanja i uputila jednu inicijativu:

„Ja imam dva pitanja i jednu inicijativu.

Prvo pitanje je upućeno Uredu za borbu protiv korupcije i kontrolu kvaliteta. Da li ste uzeli izjave od Fahrudina Pecikoze na njegove tvrdnje da je vlast u Kantonu Sarajevo kriminalizirana? Da li ste uzeli izjave od Elmedina Konakovića na tvrdnje da posjeduje informacije da neko daje novac za političke transfere?

Drugo pitanje je upućeno Vladi. Zašto Vlada nije proglasila dan žalosti zbog pogibije porodice Brkić, kao što je uradila kada su poginule uposlenice OŠ “Kovačići”.

Zastupnička inicijativa. podnosim inicijativu Ministarstvu zdravstva Kantona Sarajevo i Ministarstvu kulture i sporta Kantona Sarajevo za rekonstrukciju i izgradnju Društvenog doma Pazarić u Pazariću i izgradnju novih prostorija za Područnu ambulantu Pazarić na istoj lokaciji. Obrazloženje: na sastanku mjesnog odbora Pazarić, stanovnici Pazarića su izrazili želju da se Društveni dom Pazarić koji je sagrađen davnih 70-tih godina rekonstruiše, renovira i modernizuje radi bolje i funkcionalnije upotrebe. Dom je renoviran u par navrata

djelimično, ali i dalje je u veoma lošem stanju krov i svlačionice koje koriste dječaci i djevojčice, članovi KUD-a “Bjelašnica Pazarić”, kao i djeca iz drugih gradova kada dođu u posjetu prilikom raznih kulturnih manifestacija. Zatim je potrebno renovirati i prostorije koje godinama koriste udruženja kao što su šahovski klub, planinarsko društvo, lovačko društvo, te planirati prostoriju koju bi koristile žene Pazarića. Isto tako mještani Pazarića došli su do zaključka da su postojeće prostorije Područne ambulante Pazarić prema svjetskim standardima neuslovne, hladne, mračne i smještene u podrumskim prostorijama stambene zgrade u kojoj zimi po nekoliko puta imaju problem s grijanjem. Izmjenom Zakona i Pravilnika o zdravstvenoj zaštiti djeca od 14 godina sjede u hladnim i tamnim hodnicima koji se koriste kao čekaonice zajedno na istim klupama sa starijim pacijentima koji imaju jednu ili više težih dijagnoza o čemu niko nije vodio računa kada je usvajao ovakve izmjene u zdravstvu. Pazarićani smatraju da je krajnje vrijeme da se to promijeni i modernizuje kao što je to urađeno u Binježevu i Tarčinu gdje su izgrađene savremene ambulante za građane. Ujedno žele da se na parceli u centru Pazarića gdje se nalazi Društveni dom Pazarić, koji

također treba obnoviti, sagrade i nove prostorije ambulanate zbog toga što ima sasvim dovoljno prostora, parking i nalazi se preko puta osnovne škole autobuske stanice. Molim nadležne da poduzmu sve kako bi se ovakva jedna inicijativa realizovala u što skorije vrijeme”.

Zastupnik Jasna Duraković postavila je nekoliko zastupničkih pitanja:

„Ja imam danas nekoliko pitanja. Prvo želim izraziti zaista svoje nezadovoljstvo sa činjenicom da pojedina Ministarstva ne poštuju propisani rok od 30 dana u kojem roku nama moraju dostaviti neke odgovore. Tako da evo tu kritiku upućujem Ministarstvu zdravstva. Evo postaviti ću danas ministrici, na poslanu inicijativu od 14.05. dakle protekla redovna sjednica Skupštine Kantona Sarajevo gdje sam uputila inicijativu za izmjenu Zakona o zdravstvenom osiguranju, dakle Pravilnika o postupku i kriterijima o privremenoj spriječenosti za rad zbog povrede, bolesti ili druge spriječenosti za rad, tačnije člana 17. pravilnika koji se odnosi na dužinu spriječenosti za rad za staratelje djece tj roditelje djece do 18 godina koji se liječe od malignih bolesti. Meni ovdje nije jasno zašto Ministarstvo nije prepoznalo kao pitanje koje zaista ima hitnost i evo, naredna sjednica će biti oko rebalansa budžeta, a ja još uvijek nisam dobila nikakav odgovor tako da molim uvaženu ministricu da mi danas da neki usmeni odgovor, i naravno očekujem taj pismeni odgovor koji nisam dobila.

Moje sljedeće pitanje upućujem Ministarstvu za obrazovanje, nauku i mlade Kantona Sarajevo. Nedavno je uvaženi zastupnik i kolega Vedran Jakupović uputio inicijativu prema Ministarstvu obrazovanja, nauke i mladih KS, za uvođenje predmeta o sigurnosti i društvenoj samozaštiti u srednje škole u KS. Kako prenose mediji, a reći ću da su to za sada još uvijek paušalne informacije, ova inicijativa je navodno usvojena i taj predmet će biti uveden. Uz dužno poštovanje i kolegi Jakupoviću i naravno ministrici i Ministarstvu, ja zaista ne vidim valjan razlog za uvođenje ovakvog predmeta u kontekstu činjenica da su nam djeca već jako opterećena nastavnim planovima i programima i naravno obimom gradiva u srednjim školama. Pored toga, smatram da bi daleko korisnije bilo uvesti obavezni predmet prije svega opće pismenosti, potom političke i medijske pismenosti u nekom duhu demokratskog napretka i građanskog društva koje treba da bude prije svega kritički osviješteno, uopće da bi moglo napredovati, a ne da se se vraćamo na sistem suviše teorije, ili neki sistem starog socijalnog samoupravljanja, od koje zaista, ovakvih predmeta ne mislim da će mladi imati velike koristi u kontekstu neprilagođenosti današnjim potrebama tržišta rada. Dakle moja pitanja upućujem ministrici i evo voljela bih čuti danas neki usmeni odgovor ili neko malo adekvatnije obrazloženje ako se ovaj predmet zaista uvodi:

1. Koja je opravdanost od uvođenja ovakvog predmeta i da li je Ministarstvo uopće napravilo ikakve projekcije u smislu ishoda učenja i koristi od ovakvog predmeta?
2. Šta to gradivo obuhvata i podrazumijeva i da li će biti prilagođeno kurikularnoj reformi i naravno, potrebama tržišta rada?”

Zastupnik Dževad Poturak uputio je jednu zastupničku inicijativu:

„Moja inicijativa se odnosi na osnovno obrazovanje. Ova tema je već ovih dana jako aktualna. Ja ću se ponoviti da sam u razgovoru sa građanima, stručnjacima iz sfere obrazovanja, posebno roditeljima, došao sam do zaključka da su svi oni jedinstveni u ocjeni da nam je devetogodišnje obrazovanje potpuno bespotrebno i samim tim da je to propali eksperiment u osnovnom obrazovanju. Znam da se samo na osnovu ovih mišljenja ne može donijeti odluka o ukidanju devetogodišnjeg i povratku na osmogodišnji sistem obrazovanja. Stoga pokrećem inicijativu da se stvore proceduralni zakonski preduslovi za realizaciju moje inicijative. Ona se ogleda u tome da se odredi ekspertni tim koji će sačiniti dokument u kojem će se iznijeti mišljenje o dobrim i lošim stranama jednog i drugog načina obrazovanja kako bi se donijela relevantna i svrsishodna odluka. Zato molim Ministarstvo obrazovanja da se u što kraćem roku poduzmu potrebni koraci na ovome planu kako bi spasili predstojeće generacije od štetnih posljedica devetogodišnjeg obrazovanja.

Moje pitanje bi bilo drugo pitanje, molim vas da mi date odgovor u kojoj fazi su kapitalni projekti za izgradnju puteva? Prije svega mislim na I transverzalu, XII transverzalu i tunel od Vogošće ka Sarajevu kroz Kobilju glavu. O ovim projektima se jako dugo govori u javnosti ali čini se da se do realizacije ovih projekata postoje ipak neke prepreke koje javnosti nisu predočene. U čemu je problem, tražim usmeno i pismeno izjašnjavanje premijera, ministra saobraćaja i ministra privrede”.

Zastupnik Vedran Jakupović uputio je tri zastupničke inicijative:

„Imam tri inicijative. Prema Ministarstvu za rad, socijalnu politiku i raseljena lica i izbjeglice. Podnosim inicijativu za hitnu izmjenu člana 7 stav 1) Zakona o socijalnoj zaštiti, zaštiti civilnih žrtava rata i zaštiti porodice s djecom u kojem treba dodati da prava mogu ostvariti i osobe koje imaju prebivalište na području Kantona Sarajevo kraće od godinu dana ukoliko im je bračni drug prijavljen u Kantonu Sarajevo duže od godinu dana ili prema prijedlogu stručne službe nadležnog Ministarstva. U obrazloženju, Pomenuti član govori o pravima porodilja na plaćeno odsustvo koje mogu ostvariti ako imaju prebivalište u Kantonu Sarajevo duže od godinu dana. Može se desiti da se žena koja doseli u Kanton Sarajevo iz drugog Kantona i uda se u Kantonu Sarajevo nakon što zatrudni nema pravo na porodiljnu naknadu, čak i u slučaju da radi u Kantonu Sarajevo duži niz godina. Istovremeno ona gubi ovo pravo u kantonu iz kojeg je doselila u Kanton Sarajevo. Ovim se vrši diskriminacija porodilja koje su se nakon udaje u doselile u Kanton Sarajevo. Predložena izmjena bi omogućila ostvarivanje prava, ali bi istovremeno spriječila manipulacije i zloupotrebe u ostvarivanju prava na porodiljnu nadoknadu.

Druga inicijativa, podnosim inicijativu prema Vladi Kantona Sarajevo za sufinansiranje obnove i rekonstrukcije obdaništa Bulbul na Bistriku. U obrazloženju, Vijećnik Naroda i Pravde u Općinskom vijeću Stari Grad Almedin Miladin je podnio inicijativu za obnovu i rekonstrukciju obdaništa Bulbul, Hulusina 10, kojom bi se većim dijelom riješio problem predškolskog odgoja u Općini Stari Grad, posebno ako imamo u vidu da na teritoriji Općine Stari Grad na lijevoj obali Miljacke nijedno obdanište nije u funkciji. Potrebno je sufinansiranje od strane Kantona Sarajevo, te ovim putem proslijeđujem ovu inicijativu vijećnika Miladina.

I treća inicijativa ka Ministarstvu zdravstva i primarno ZZO Kantona Sarajevo. Podnosim inicijativu prema ZZO KS za potpuno finansiranje usluga iz tercijarne zdravstvene zaštite koje finansira Federalni Zavod zdravstvenog osiguranja i reosiguranja. Ovo se primarno odnosi na rekonstruktivne operacije nakon hirurškog odstranjivanja dojke nakon dijagnosticiranog karcinoma. I ostali tercijarni zahvati su resekcije jetre, pankreasa i jednjaka. U obrazloženju: Finansiranje rekonstruktivnih operacija dojke nakon dijagnosticiranog karcinoma i mastektomije, trebao bi u potpunosti preuzeti ZZO KS i na ovaj način omogućiti pacijenticama s ovom dijagnozom uspješan nastavak liječenja, te fizički i psihički oporavak. Ova praksa već postoji u RS-u i nekim kantonima FBiH”.

Zastupnik Haris Pleho postavio je dva zastupnička pitanja:

„Ja za danas imam dva zastupnička pitanja. Prvo pitanje odnosi se na Ministarstvo obrazovanja. Postavljam zastupničko pitanje ministrici za obrazovanje, nauku i mlade a vezano za tok, realizaciju i dinamiku procesa javnih nabavki ovog resornog Ministarstva u prvoj polovici budžetske 2019. godine. Također tražim detaljne izvještaje o svim provedenim i neprevedenim javnim nabavkama od nadležne službe Ministarstva obrazovanja u skladu sa Zakonom o javnim nabavkama. Na ovo pitanje tražim pismeni odgovor.

I drugo zastupničko pitanje odnosi se na Ministarstvo komunalne privrede. Molim ministra da nas informiše o prečistaču Butile. Da li je istina da prečistač ne radi i zbog čega? Na ovo pitanje tražim usmeni odgovor.”

Zastupnik Samir Suljević postavio je dva zastupnička pitanja i uputio dvije inicijative:

„Imam dva zastupnička pitanja i dvije inicijative. Dva zastupnička pitanja upućena su Ministarstvu zdravstva Kantona Sarajevo. Prvo, do sada Ministarstvo zdravstva i ministrica nisu napisali Uredbu o radnom vremenu bolničkih ustanova u Kantonu Sarajevo koje po Zakonu o zdravstvenoj zaštiti FBiH moraju imati 24 satno radno vrijeme? Zašto se nastavlja rad urgentnih centara u Kantonu Sarajevo na osnovu nekog usmenog dogovora koji ničim nije obavezujući?

Pitanje broj dva kako su Ministarstvo zdravstva Kantona Sarajevo i Vlada Kantona Sarajevo mogli potvrditi imenovanje v.d. direktora JU Apoteke Sarajevo kada imenovani nije uposlenik JU Apoteke Sarajevo što je flagrantno kršenje Zakona?

Sljedeća inicijativa je da se ambulanta u RTV domu da nastavi svoj rad na način da bude prebačena u nadležnost neke od zdravstvenih ustanova Kantona Sarajevo koje u skladu sa zakonom mogu vršiti usluge primarne zdravstvene zaštite. Naime, Radnici Javnih servisa trenutno koriste primarnu zdravstvenu zaštitu kroz usluge ambulante u RTV domu koja trenutno pripada Zavodu za zdravstvenu zaštitu radnika u saobraćaju, a koji prema informaciji Ministarstva zdravstva KS više ne može vršiti usluge primarne zdravstvene zaštite. U toj ambulanti se liječi oko 1450 radnika i penzionera obje firme i svi su oni veoma zabrinuti za sudbinu ambulante u RTV domu koja, uz male ljudske resurse (2 zaposlena), odlično ispunjava svoju ulogu i svi korisnici iste su izuzetno zadovoljni uslugom koju dobijaju. Treba napomenuti da ambulanta u RTV domu postoji od same njegove izgradnje, radila je tokom cijelog rata i predstavlja veoma važan segment u funkcionisanju Javnih servisa.

Sljedeća zastupnička inicijativa je u vezi primjene Uredbe o postupku prijema u radni odnos. Nakon upoznavanja od strane velikog broja građana koji rade u Javnim Preduzećima kao Zastupnik u Skupštini Kantona Sarajevo obraćam se Skupštini I Vladi Kantona Sarajevo sa ciljem upoznavanja sa problematikom prijema radnika u radni odnos na osnovu Uredbe o postupku prijema u radni odnos. Svjesni smo činjenice da je Uredba donesena u cilju uspostave antikoruptivnog sistema u KS i postizanja transparentnosti, ali nam je primjena iste znatno usporila prijem radnika na upražnjena radna mjesta. Donošenje pomenute uredbe je motivirano s ciljem uvođenja „korektivnih faktora“ u procesu zapošljavanja u Javnom sektoru u KS, ali smatram da se ista svrha dostupnosti podataka javnosti postiže uspostavom Registra zaposlenih u Javnom sektoru KS. Hvala. Na inicijative i pitanja tražim pismeni odgovor”.

Zastupnik Segmedina Srna Bajramović uputila je dvije zastupničke inicijative:

„Moja prva inicijativa odnosi se na sljedeće: Tražim od Ministarstva zdravstva KS da se uradi objektivno istraživanje o zadovoljstvu pacijenata kada je u pitanju oblast pružanja usluga u zdravstvenom sistemu KS, te registruje besplatni telefon za pritužbe pacijenata jer je očigledno da postoji ozbiljan disbalans između izvještajne statistike koje dostavljaju zdravstvene ustanove, naspram iskustava sa kojima se svakodnevno suočavaju pacijenti. Gotovo su svakodnevne žalbe građana na stalne liste čekanja, nedostatak medicinskog materijala, neadekvatan tretman i brojni drugi problemi koji govore kako je sarajevski zdravstveni sistem više u ozbiljnom problemu nego u reformi. Stanovništvo je sve više razočarano kvalitetom zdravstvene zaštite i neuređenim sistemom dostupnosti ljekara. Proteklu godinu je do redakcije jednog od portala stiglo nebrojeno žalbi na duga čekanja za relativno banalne preglede, kao i da pacijenti vrlo često u ordinacijama moraju stajati i po nekoliko sati kako bi došli na red i preuzeli uputnicu za laboratoriju, dok mnoge na dnevnoj bazi vraćaju zbog velikih gužvi. Iz tog razloga smatramo kako je neophodno uspostaviti kontinuirane institucionalne mehanizme komunikacije između pacijenata i nas kao donosilaca odluka. Navedeni pristup će, prije svega, pomoći da se ispravno definišu prioritetni pristupi u okviru zdravstvene politike, na osnovu objektivno iskazanih potreba pacijenata.

Sljedeća inicijativa odnosi se na sljedeće: Pravila studiranja UNSA, kroz članove od 50 do 59, uređuje temu pisanja završnih radova (diplomski radovi na I ciklusu i master radovi na II

ciklusu studija), gdje je u članu 53 eksplicitno istaknuto da „Završni rad student izrađuje samostalno“. Međutim, već nekoliko godina imamo cvjetanje biznis fenomena u smislu prodaje diplomskih i master radova. Naravno, jasno je da se radi o specifičnom obliku plagijarizma (u svijetu poznat kao ghost writting) gdje pisano djelo nije autorsko djelo potpisanog autora, već nekog trećeg (tzv. ghost author). Na taj način se grubo krši ne samo zakon već i akademska etika, narušava se akademski moral, a od samog čina okončanja obrazovnog procesa se pravi cirkus. Bojim se da sve više koračamo u prostor u kojem diploma nije ogledalo znanja, nego posjedavanja novca što pravi nemjerljivu dugoročnu društvenu štetu. Stoga tražim od resornog ministarstva, da u skladu sa svojim ovlaštenjima, u saradnji sa akademskom zajednicom, definiše smjernice mentorima na koji način mentorisati, kako prepoznati kupljeni rad i šta u tom slučaju poduzeti, te koje treba, obavezno, da obuhvate proceduru disciplinskog postupka u takvom slučaju. Također, očekujem da se od strane nadležnih izvrše prijave profila na web shop portalima nadležnim institucijama, u cilju vrlo odlučne namjere da se sankcionišu pojedinci ili organizovane grupe koje se bave ovim aktivnostima. Na kraju moram reći da nemam iluzija da se ovaj fenomen može iskorijeniti. Ne može. Baš kao što se mnoga društveno devijantna ponašanja ne mogu iskorijeniti, ali zato i postoje zakoni koji takva ponašanja suzbijaju. Dakle, ovu pojavu je moguće značajno suzbiti. Može se poslati poruka da je takvo ponašanje neprihvatljivo. I to ne samo verbalno, već i kroz konkretne aktivnosti, izmjene zakona, uvođenje sankcija, uključivanje istražnih organa, itd...”

Zastupnik Vildana Bešlija uputila je tri zastupničke inicijative:

„Ja ću prvo krenuti sa inicijativom koja je upućena prema Ministarstvu obrazovanja Kantona Sarajevo i naravno Vladi Kantona Sarajevo. Tačnije radi se o inicijativi za uvođenje skraćenog programa prekvalifikacije i dokvalifikacije za sticanje stručnih zvanja iz popisa tradicionalnih i starih obrta u srednjim strukovnim školama. Uz obrazloženje da je pokretanje obrazovanja na nivou FBiH regulisano zakonom o obrtima i srodnim djelatnostima, gdje u članu 10 stav 1) je definisano da fizičko lice može obavljati vezani obrt ako uz opšte uslove iz člana 9 tog Zakona ispunjava i poseban uslov stručne spreme. A u Zakonu je detaljnije razjašnjeno u kojim zanimanjima se tačno radi i koji uslovi stručne spreme se trebaju zadovoljiti za pokretanje određenih obrta. Znači velik broj naših sugrađana rade i zarađuju kao zanatlije a unatoč velikom talentu i znanju ne mogu registrovati obrt, zato smatram da bi ubrzani proces dokvalifikacije navedene u popisu tradicionalnih i starih obrta moga potaći veći broj zanatlija da se odluke za pokretanje vlastitih obrta ili za legalizaciju svojih postojećih poslova. Smatram da je ovo bitna tema koja može značajno poboljšati solio-ekonomski status zanatlija i olakšati im radnu aktivnost te omogućiti veći broj poslova te spriječiti njihovo poslovno izrabljivanje.

Drugo bih zamolila kao drugu inicijativu bi bila inicijativa za intenziviranje sprovođenja preventivnih i protiv-epidemijskih postupaka dezinskencije na području Kantona. Naravno upućena je Ministarstvu zdravstva i Vladi Kantona i Zavodu za javno zdravstvo Kantona Sarajevo. Na osnovu mnogobrojnih pritužbi građana o uvećanom broju žohara u i oko njihovih stambenih zgrada na području svih gradskih općina kako bi hitno trebalo napraviti neophodne korake ka smanjenju ove najezde. Molim za procjenu Zavoda da li je trenutna stručna i savjetodavna pomoć za nadzor nad sprovođenju mjera dezinsencije dostatna i također molim za procjenu da li se dezinsencija kao opća i protuepidemijska mjera sa ciljem smanjenja broja štetnih insekata provodila u skladu sa planom te da li je eventualno potreban ambiciozniji plan dezinsencije.

Također bih zamolila ministra saobraćaja da mi odgovori na inicijativu koju sam prije svega postavila 23 januara, zatim ponovila 26 marta, odnosi se na potrebne izmjene Zakona naravno na federalnom nivou za uvođenje taksi vozila, nesmetano obavljanje djelatnosti za osobe sa invaliditetom. I tu sam dobila u odgovoru da će ministar službenim putem tražiti

dopunu Zakona o cestovnom prevozu FBiH, dopunu pravilnika o tehničkim uslovima za obavljanje ove djelatnosti i dopunu pravilnika o licencama za obavljanje javnog prevoza. Znači ovdje mislim na zvaničnu informaciju a ne na određene informacije koje sam mogla kao polovične pročitati u sredstvima javnog informisanja”.

Zastupnik Aljoša Čampara uputio je dvije zastupničke inicijative:

„Dakle ja imam dvije inicijative. U svjetlu ovih nedavnih dešavanja koja su se desila na Komisiji za obilježavanje, čuvanje i njegovanje historijskih događaja i ličnosti, stvarno ne ulazeći u sam meritum šta se desilo, kao ni na neke ideološke razlike među članovima Komisije, ja osobno i Klub SDA apsolutno podržavamo da sve historijske ličnosti iz Drugog svjetskog rata i posljednje agresije na BiH mislim da imaju mjesto u gradu Sarajevu i da to ne bi apsolutno trebao biti nikakav problem. I ZAVNOBIH naravno ali i historijske ličnosti iz perioda 92-95. ali upravo u svjetlu svega ovoga mislim da ne trebamo suprotstavljati ta dva historijska događaja jer su obadva na isti način predstavljaju obrambeno oslobodilačku borbu i obadva su bila okrenuta u borbi protiv i nacionalizma i fašizma. Stoga imam želju, jedan prijedlog inicijative, mislim da smo mi to obavezni ovdje kao zastupnici koga su građani Kantona Sarajevo birali, da osudimo svaki vid dovođenja u bilo kakav negativan kontekst generala ARBIH gospodina Ismeta Hadžića Muteveliju, u bilo koji kontekst vezano sa bošnjačkim nekakvim fašizmom i mislim da bi Skupština trebala to osuditi ne ulazeći sada u raspravu da li je gospodin Damir Nikšić nazvao generala na ovaj način ili ne, ali bilo kakav kontekst dovođenja ratnog heroja, nosioca najvećeg ratnog priznanja „Zlatni ljiljan” mislim da smo dužni kao Skupština, zahvaljujući tim ljudima mi ovdje sjedimo u slobodnom Sarajevu i u slobodnoj BiH. Mislim da se Skupština danas može izjasniti o ovoj inicijativi, ne vidim razloga da ne možemo danas ovo izglasati. Druga inicijativa je vezana, ona se nadovezuje na pitanje moje kolegice Jasmine Bišćević-Tokić a to je vezano za deponiju u Smiljevićima. Svjedoci smo da 50.000 naših sugrađana ima problem sa ovom deponijom. Ja ovdje iniciram da svi mi zajedno koji sjedimo ovdje i u Skupštini i u Vladi Kantona Sarajevo, evo možda da rukovodstvo Skupštine odredi ko će otići i rukovodstvo Vlade, ali predlažem da možemo i svi na lice mjesta i da se uvjerimo sa čim se sve građani ovih mjesnih zajednica susreću i da učinimo maksimalni napor, prije svega Vlada a onda i Skupština da se konačno krene u realizaciju ovih problema jer su građani suočeni i sa epidemijom zaraznih bolesti što jednostavno može imati negativne efekte po stanovnike ovoga područja.”

Zastupnik Neira Dizdarević uputila je više zastupničkih inicijativa i postavila pitanja:

„Također za danas imam više pitanja i inicijativa. Pročitat ću samo neke od njih, poštujući vrijeme koje nam je na raspolaganju. Upućujem zastupničko pitanje Vladi Kantona Sarajevo i resornim ministarstvima ukoliko mogu da mi dostave informaciju da li je Federalni za agropedologiju vršio monitoring stanja zagađenosti tla na području Kantona Sarajevo, a posebno na lokaciji u i oko deponije Smiljevići u periodu 2017-2019. godine? Molim da, ukoliko je monitoring proveden, izvještaje o istom dostavite u elektronskoj formi.

Također, za danas ću pokrenuti inicijativu koja se odnosi na, veza je sa mojim zastupničkim pitanjem sa 6. radne sjednice Skupštine Kantona Sarajevo. Odnosni se na objekte koji su bili u vlasništvu JU Djeca Sarajeva a nakon rata i ratnih dejstava nisu nikada prevedeni na ovu instituciju. Radi se prvenstveno o objektima na području opštine Ilidža. Prije rata ih je bilo 4. Po odgovoru Ministarstva obrazovanja sada je to samo jedan objekat, navela sam tačne lokacije i tačne adrese onih objekata koji iz nekih razloga nisu nikada prevedeni na JU Djeca Sarajeva pa molim za informaciju i molim da se ustvari Pravobranilaštvo Kantona Sarajevo uključi u rješavanje ovog problema, odnosno da mi dostavi informaciju da li su određene aktivnosti poduzete da li se radi o nekim sudskim sporovima.

Još jedno pitanje ustvari inicijativa na koju je Klub Naše stranke dosta insistirao u prošlom mandatu, kao neki minimum onoga što možemo učiniti za građane Kantona Sarajevo sa

oštećenjem vida koji su dakle diskriminirani kao generalno osobe sa invaliditetom u svakoj mogućoj sferi svakodnevnice molim da se učine minimalni naponi i da Zavod za informatiku i statistiku Kantona Sarajevo izvrši prilagođavanje web stranica Skupštine i Vlade Kantona Sarajevo osoba sa oštećenima vida. Ovu inicijativu sam vezala također za inicijativu za poboljšanje odnosno popravku zvučne signalizacije na svim raskrsnicama na kojima ista ili uopće ne postoji ili je već pokvarena. Da se dakle Ministarstvo za saobraćaj uključi malo aktivnije u rješavanje ovog problema. Ostalo ću predati u pismenom obliku”.

Zastupnik Bibija Kerla postavila je nekoliko zastupničkih pitanja:

„Ja ću danas imati veoma brza i blic pitanja odnosno potpitanja za ministra saobraćaja pa ga molim da dobro prati šta pitam. Znači dokle se došlo sa izgradnjom I transverzale ? Znamo vrlo dobro šta ona obuhvata. Dokle se došlo sa nastavkom gradnje IX transverzale čija izgradnja je planirana za kraj maja 2019 godine. Da li je urađena studija izvodljivosti uspostavljanja brzog voza na relaciji Sarajevo Ilijaš i Sarajevo Hadžići s ciljem iznalaženja rješenja za efikasnije modele javnog prevoza putnika u dijelovima Kantona Sarajevo. Molim Skupštinu da malo ušuti da bi se mogla čuti moja pitanja. Dalje, koliko je daleko početak izgradnje tramvajske pruge Ilidža Hrasnica? Znamo da je tu planirano oko 46 miliona pa se pitam da li je uopšte u mjerama Vlade koja je predviđela u svojim 300 mjera uopšte izvodljivo ovo što se toga tiče. Zahvaljujem se ministru Šteti na veoma brzom reakciji u vezi sastanka predstavnika MZ Rječica Reljevo radi rješavanja pitanja prijevoza učenika od mjesta boravka i nazad. Zatim koliko autobusa, tramvaja i trolejbusa je prilagođeno nesmetanom ulasku i izlasku osoba sa invaliditetom. Ovdje sve postoje obrazloženja. I molim blic usmene odgovore, a pismene odgovore na svako obrazloženje.

Danas imam i dvije inicijative, prva inicijativa se odnosi na predlaganje jedne tematske sjednice u vezi sporta s obzirom da Programom rada Skupštine nije predviđeno predlažem u ime Kluba DF da se nakon godišnjih odmora u septembru ili oktobru održi tematska sjednica iz oblasti sporta. Obrazloženje: veliki problemi koji su se nagomilali oko finansiranja i održavanja sportskih kolektiva u Kantonu Sarajevo a činjenica da je državni sport spušten na kantonalni nivo iziskuje održavanje i ove jedne tematske sjednice i molim da se donese odluka o održavanju iste. S obzirom da je moj kolega Marjanović predložio održavanje tematske sjednice o obrazovanju, ne bi bilo loše da sastavimo ove dvije tematske sjednice u jednu. Dalje, imam jednu inicijativu što se tiče ministra saobraćaja. S obzirom da je Vlada Kantona Sarajevo na osnovu inicijative zastupnika DF Senada Hasanovića a potom i prijedloga Ministarstva saobraćaja donijela zaključak kojim se obavezuju prijevoznici Grasa i Centrotransa da omogući putnicima u Kantonu Sarajevo da se jedinstvenom kartom osim pojedinačnih karata koriste usluge javnog linijskog prevoza putnika kod oba prijevoznika u ime Kluba DF pokrećem inicijativu o formiranju zajedničke komisije koja će utvrditi jedinstveni red vožnje oba gradska prijevoznika. Obrazloženje: s obzirom da je ova odluka Vlade obradovala mnogobrojne građane Kantona Sarajevo, ostaje jedino problem kako uskladiti red vožnje ova dva prijevoznika. Bilo bi dobro da komisija sačinjena od članova zaposlenih u GRAS-u i Centrotransu sjedu i dogovore red vožnje na svim relacijama u Kantonu Sarajevo. Usklađivanjem tog reda vožnje izbjeglo bi se podudaranje dolaska autobusa u isto vrijeme. Red vožnje treba postaviti na svim autobuskim stajalištima na vidno mjesto odnosno na tablu , gdje bi građani kao i u svim ostalim svjetskim gradovima znali tačno kad polazi autobus sa neke određene destinacije. Isto tako bi trebalo uraditi plan , odnosno kartu linijskog kretanja autobusa. Međutim u zadnje vrijeme čujem da imamo veoma velikih problema što se tiče uopšte ove koordinacije između Centrotransa i Grasa pa molim ministra da nam objasni dokle je uopšte došlo sa tom inicijativom da se jedna karta koristi u oba prijevoznika”.

Zastupnik Damir Nikšić uputio je dvije zastupničke inicijative i postavio jedno pitanje:

„imam dvije inicijative i jedno pitanje pa ću odmah inicijativu. Predlažem da ova Skupština komunicira sa svim spoljnim saradnicima svih komisija da su jednako kao i svi izabrani i imenovani dužnosnici dužni poštovati i braniti Ustav Kantona, Federacije BiH i Države BiH, povelje i deklaracije o ljudskim pravima, a iznad svega pravno i antifašističko naslijeđe kako ZAVNOBiH-a, tako i EU. Predlažem da ova Skupština, njeno Etičko vijeće ili neko drugo tijelo Izradi i uputi tu informaciju svim članovima, vanjskim saradnicima komisija i da ona bude u obliku edukativne brošure koja će svima pojasniti državni kontinuitet današnje Bosne i Hercegovine, kao i to kojim civilizacijskim vrijednostima, tekovinama i kojem svjetskom poretku kao ravnopravna članica UN-a pripada današnja BiH sa svojim sekularnim civilnim Institucijama i AVNOJ-skim granicama. Na taj način možemo izbjeći mnoge buduće neugodne situacije i nesporazume. Obrazloženje: Ustavom Kantona vlast u Kantonu Sarajeva nije definisana kao vlast jednog naroda, već vlast svih ravnopravnih naroda i građana, što odražava i ustavom propisani sastav predsjedavajućih skupštine Kantona, kao i članova vlade. Mislim da bi Skupština i Etička komisija morali povesti računa o propustu edukacije vanjskih saradnika prije nego što problem ideološkog neslaganja sa antifašizmom i ljudskim i civilnim pravima preraste u političku pošast koju će morati rješavati Sud u Strazburu.

Druga zastupnička inicijativa, predlažem da se u Malom parku (preko puta Predsjedništva Bosne i Hercegovine), naruči i izvede arhitektonski projekt spomenika koji će uključiti postojeće biste i cvjetni vrt, ali koji će u centralnom dijelu imati lijepo osmišljen visoki pijedestal sa bronzanim natpisom na prednjoj strani i bronzanom skulpturom Dr. Vojislava Kecmanovića Đede u prirodnoj veličini na vrhu tog pijedestala. U prilogu se nalazi i skica prijedloga spomenika koja ima svrhu sugestije i nije obavezujuća za eventualne učesnike konkursa.

Predlažem da u tu svrhu „Mali park” promijeni naziv u Park Republike. Obrazloženje: Čin formiranja republike je revolucionarni čin. On podrazumijeva raskid sa „Starim režimom”, raskid sa apsolutizmom, sa monarhijom, sa patrimonijalnom državom vladarskih dinastija i njihovih nasljednika, raskid sa kolonijalnom prošlošću u kontekstu svjetskih imperija, ali isto tako i raskid sa hijerarhijskim društvom nejednakosti, te začetak građanskog društva, začetak moderne, sekularne republike, „javne stvari” bazirane na jednakosti, slobodi i bratstvu svih njenih naroda i građana. Čin formiranja republike nije samo revolucionarni čin. On nije samo ni historijski čin. On je civilizacijski čin. Mislim da je posve adekvatno da preko puta Predsjedništva BiH bude „Park Republike”, i da u njemu statua prvog predsjednika prve BH republike podsjeća ili pak opominje članove Predsjedništva na koncept zajedničke nam države, kao i na antifašističke vrijednosti i tekovine ne samo ZAVNOBiH-a, već i međunarodne zajednice i Evropske Unije koje su direktno involvirane u ovaj državni projekt, a koje prepoznaju i priznaju državno-pravni kontinuitet Bosne i Hercegovine u AVNOJ-skim granicama. Monumentalna ličnost Dr. Vojislava Kecmanovića Đede, antifašiste i liječnika koji je magistrirao medicinu na Karlovom univerzitetu u Pragu 1911, neraskidivo je povezana sa državnošću BiH. Insistirati na državotvornosti u Sarajevu, na proslavi Dana Državnosti na čitavoj teritoriji BiH svakog 25. novembra, a istovremeno proganjati iz Sarajeva Vojislava Kecmanovića Đedu, tako što se radi na trajnom brisanju imena, lika i djela predsjedavajućeg ZAVNOBiH-a i prvog predsjednika BiH, predstavlja i predstavljaše vrhunac licemjerja i političkog primitivizma sve dok Sarajevo, kao glavni grad BiH, na adekvatan način ne oda počast i priznanje prvom predsjedniku prve BH republike: Narodne Republike Bosne i Hercegovine. Zato je od velike važnosti da se što prije pristupi izgradnji ovog spomenika na predloženoj lokaciji. Važno je obrazovati građane Sarajeva, građane BiH u njihovom glavnom gradu, da je ova država međunarodno priznata u AVNOJ-skim granicama, da ne predstavlja državni kontinuitet niti jedne druge prethodne države do sekularne republike svih njenih naroda koja je ZAVNOBiH-om utemeljena, te da smo, stoga, svi dužni poštovati njen trenutni ustavni poredak koji uključuje međunarodne povelje i Evropsku deklaraciju o ljudskim pravima, njegujući državno-pravno, a naročito antifašističko naslijeđe ZAVNOBiH-a, UN i

EU”.

Dopredsjedavajuća Smiljana Viteškić postavila je dva zastupnička pitanja:

„Za današnju sjednicu imam dva pitanja. Prvo je upućeno Ministarstvu obrazovanja, nauku i mladih Kantona Sarajevo. Veliki broj roditelja iz Hrasnice se obratilo upitom za renoviranje vrtića „Radost” u Hrasnici, koje je predviđeno Budžetom za 2019.godinu pod ekonomskim kodom 821 600 u iznosu od 300 000 KM. Pitanja glase:

1. Iz kojeg izvora će se osigurati planirana sredstva?

2. Kada se očekuje da će ta sredstva biti na raspolaganju jer je građevinska sezona u jeku, a tenderska procedura može trajati dugo?

Obavještavam vas da je po njihovom saznanjima oko 50 djece na listi čekanja, a broj je i veći jer se roditelji zbog informacije o manjku kapaciteta odlučuju za privatne vrtiće. Napominjem da je Općina Ilidža već finansirala i uradila projekat rekonstrukcije.

Moje drugo pitanje upućeno je Skupštinskoj službi a tiče se ostvarivanja prava zastupnika/poslanika na besplatan prijevoz javnim gradskim prijevozom na teritoriji Kantona Sarajevo koristeći legitimaciju zastupnika u Skupštini Kantona Sarajevo. Pošto pojedini zastupnici koriste ovaj prijevoz, molim vas da mi odgovorite da li ovo pravo poštuju svi javni prijevoznici, odnosno oba javna prijevoznika u Kantonu Sarajevo? „

Zastupnik Fahrudin Pecikoza uputio je jednu zastupničku inicijativu:

„Ja imam inicijativu, predlažem sazivanje hitne tematske sjednice na kojoj će ova Skupština zajedno sa predstavnicima građana razmotriti aktuelne i akutne probleme otpada, otpadnih voda, iz gradske deponije, te početi hitno pronalaziti i primjenjivati najsavremenija rješenja za njih. Dalje, da ne čitam ja bih vam objasnio da je u svijetu se zove to gospodaranjem otpada. Njemačka država je reciklirala sav svoj otpad pa trenutno uvozi negdje oko 13 miliona smeća. Da ne bi zatvarali reciklaže. Kada bi donijeli par zakonski rješenja, jedno od sitnih rješenja da je ambalaža u kojoj se prodaje voda, pive itd bila povratna to bi izazvalo efekat kaskade, 50% manje smeća bi vukla komunalna preduzeća bi uštedjela. Otpad koji se odlaže trenutno i koji je najveći zagađivač BIH, mi se hvalimo lijepim planinama i vodama, je nešto što uništava i druge grane privrede kao što su turizam. Znači kada dovedete nekoga u svoju kuću pa on vidi punu avliju smeća neće imati nimalo lijepo mišljenje o vama. Kada uđete u BIH iz bilo koje države prvo što vas dočekaju okićene rijeke prepune kesa, plastike, vidite brane naša divna zelena Neretva, i onda dođete na Salakovac vidite 10 tona smeća koje se moglo reciklirati. 500 KM je tona plastike na svjetskom tržištu. Znači trebali bi početi sa tim zakonom što hitnije zbog toga što je to i otvaranje novih radnih mjesta, što je cilj i program ove Vlade. U svjetlu problema zagađenja zbog neadekvatnog odlaganja opasnog otpada, na deponiji u Mostaru važno je obratiti pažnju i na postojeće socijalno ekološku situaciju koju prouzrokuje gradska deponija u Sarajevu a koja već duže vrijeme blago rečeno kritična i opasna po stanovnike. Već imamo djecu koja obolijevaju. I ako donesemo par sitnih promjena i par sitnih Zakona, bar imamo Zakon ovdje u Kantonu o taksama, vjerujte mi da bi mogli otvoriti puno radnih mjesta i da bi imali jedno čisto i uredno Sarajevo koje bi mi željeli pokazati turistima. I sjetite se prije naš narod je jako duhovit kada je govorio o toplim i hladnim rijekama koje postoje u BIH. Tople rijeke su bile tamo gdje je narod bacao šporete, a hladne rijeke su bile tamo gdje je narod bacao frižidere. I kada se počelo reciklirati željezo, željezara u Zenici kada je počela otkupljivati staro željezo sve su te rijeke očišćene. Znači imao već primjer na tim toplim i hladnim rijekama pa daj da sada se riješimo i te plastike. To je to. I volio bih da se Skupština izjasni o ovom pitanju što prije”.

Zastupnik Pecikoza je također zamolio da mu se ponovo, jer nije bio u sali prisutan kada je neko spominjao njegovo ime, kako bi bio u toku s diskusijom.

Dopredsjedavajući Vior Handžić postavio je nekoliko zastupničkih pitanja i inicijativa: „Imam nekoliko inicijativa i pitanja. Prva inicijativa koju podnosim danas je prema Ministarstvu Saobraćaja Kantona Sarajevo, a u saradnji sa Ministarstvom Privrede iznađe rješenje za pronalazak lokacije i uspostavljanje parking zone za turističke autobuse i minibusu. Obrazloženje: Vozači autobusa i minibusu se zbog velikog porasta turističkih posjeta susreću sa ogromnim problemima vezanim za parking vozila. Očito je daje parking na Bentbaši nedovoljan i neuslovan, a počesto tamo gdje ostavljaju vozači autobusa i nelegalan. A u gradu koji stremi gradu da postane prva turistička destinacija u regionu, neophodno je adekvatnije rješenje. Svi gradovi koji imaju veliki priliv turista, imaju mjesto predviđeno za parkiranje autobusa, Na malom proširenju kod Bentbaše gdje autobus izbacuje turiste vozi i gradski prevoz i autobus koji vozi za Goražde, stvara se kolaps, jer je to i jedan od glavnih ulaza u grad. Dakle nije dobro ni turistima ni građanima. I molim da se ovaj problem riješi. Imam dvije slične inicijative vezano sa semaforu signalizaciju pa opet prema ministarstvu saobraćaja podnosim inicijativu. Molim Ministarstvo da razmotri mogućnost uvođenja nove regulacije rada semafora na ukrštanjima ulica Hercegovčka i Zvornička i Kupreška i Zvornička, Opština Novo Sarajevo zbog izuzetno rijetkog i kratkog intervala trajanja zelenog svjetla za pješake i za vozače. Pješaci vozači koji se priključuju u Zvorničku ulicu kontinuirano čine prekršaje iz gore navedene raskrsnice prelaze u toku trajanja crvenog svjetla. Istu inicijativu podnosim i za pješaci prelaz između Higijenskog i Alipašine džamije. On je tek posebno problematičan u smislu trajanja zelenog svjetla za pješake da se našalim ja mislim da ga ni Usein Bold u topo formi ne može pretrčati dok traje zeleno svjetlo za pješake. Imam jedno pitanje prema Ministarstvu rada i socijale i Zavodu za zapošljavanje Kantona Sarajevo. Da li postoji određena vrsta kontrole poslodavaca koji se prijavljuju na naše projekte sufinansiranja zapošljavanja pripravnika za koje Kantonu Sarajevo izdvaja milionska sredstva u budžetu jer imam informaciju od pojedinih pripravnika da neki poslodavci baš i ne poštuju ove odredbe u smislu sufinansiranja njihovog zapošljavanja. Te da iskoriste one novce samo koje ispati KS a onaj dio koji bi oni trebali baš i ne ispune taj svoj dio obaveza. Te ukoliko ne postoji neki sistem kontrole volio bih da se u narednom periodu, pošto će ova aktivnost biti nastavljena i u narednim budžetima ova vrsta kontrole uvede. Imam još jednu inicijativu vezano za predškolsko obrazovanje ali evo da ne oduzimam više vremena nju ću dostaviti u pismenom obliku”.

Predsjedavajući Elmedin Konaković podnio je dvije zastupničke inicijative:

„Ja imam dvije inicijative. Prva se odnosi na JU Služba za zapošljavanje Kantona Sarajevo projekat zapošljavanja svih nezaposlenih članova porodica šehida i poginulih boraca u Kantonu Sarajevo. Prema informacijama, trenutno se na evidenciji Službe za zapošljavanje Kantona Sarajevo nalaze 643 osobe koje su pripadnici ove populacije.

Predlažem da se formira Radna grupa, koja će, u skladu sa stručnom spremom, gore pomenutih članova, izvršiti detaljnu analizu i procjenu, te gdje bude potrebno, predložiti program prekvalifikacije i dokvalifikacije za ovu kategoriju, kako bi im olakšali put ka zapošljavanju. Također, predlažem da, u skladu sa gore navedenim. Služba osigura, kroz rebalans, neophodna finansijska sredstva za ovu namjenu. Imamo informaciju da će rebalans Službe za zapošljavanje biti u septembru. Imamo informaciju da su sredstva dostatna i da ovo može biti jedan od efikasnijih projekata zapošljavanja porodica poginulih boraca i šehida.

Druga inicijativa, pokrećem inicijativu koja se odnosi na uspostavu Registra boraca na području Kantona Sarajevo. Obzirom da na području Kantona Sarajevo ne postoji zvaničan Registar pripadnika boračke populacije, tražim od resornog ministarstva da, u skladu sa zakonskim okvirima, pokrene sve aktivnosti na donošenju jednog ovakvog dokumenta, kako bi se konačno prestalo sa manipulisanjem i otklanjanjem svih sumnji koje bio pripadnik obrambenog-oslobodilačko rata u periodu 92-95, a ko ne.

Registar treba da sadrži sve relevantne podatke za pripadnike u periodu za koji su bili angažovani i to: datum stupanja u redove Armije, vojni raspored, kretanje u službi, datum prestanka angažmana i sl. Znam da novi Zakon o demobilisanim predviđa izradu Registra ali mi se čini jako šturo da u roku od 60 dana federalna Vlada neće ispoštovati a po uzoru na Registar javno uposlenih očigledno mi imamo efikasniju javnu upravu koja je u stanju softverskim rješenjem otkloniti sumnje i manipulacije da se radi o stotinama hiljada, a ima puno onih koji se nalaze na spiskovima, koriste prava i beneficije a nisu bili pripadnici Armije u toku odbrambeno-oslobodilačkog rata”.

Usmene odgovore zastupnicima koji su insistirali na istima dali su ministri: Lejla Brčić, Amela Sofić, Zineta Bogunić, Adnan Šteta, Srđan Mandić, premijer Edin Forto.

Nezadovoljstvo ponuđenim usmenim odgovorila izrazili su zastupnici: Samir Suljević, Zvonko Marić, Vildana Bešlija, Samra Čosović-Hajdarević, Mahir Dević.

Predsjedavajući je u nastavku pozvao zastupnike da se izjasne o sljedećim inicijativama zastupnika:

- Inicijativa zastupnika Fahrudina Pecikoze za održavanjem tematske sjednice na kojoj će Skupština zajedno s predstavnicima građana razmotriti aktuelne i akutne probleme otpada, otpadnih voda gradske deponije, te početi hitno pronalaziti i primjenjivati najsavremenija rješenja za njih. Zadužuje se Vlada da pripremi materijal za ovu tematsku sjednicu.

USVOJENA JE JEDNOGLASNO („ZA” 31).

- Inicijativa zastupnika Damir Marjanović za održavanje tematske sjednice a vezano za intenziviranje procesa sveobuhvatne reforme obrazovnog sistema u Kantonu Sarajevo. U zaključku se dodaje „Zadužuje se Vlada da se u prvoj sedmici septembra održi tematska sjednica”.

USVOJENA JE JEDNOGLASNO („ZA” 30).

- Inicijativa zastupnice Bibije Kerla, za održavanjem tematske sjednice iz oblasti sporta u septembru ili oktobru za čiju pripremu materijala se zadužuje Vlada Kantona Sarajevo

USVOJENA JE JEDNOGLASNO („ZA” 29).

- Inicijativa zastupnika Čelika da Skupština Kantona Sarajevo podrži grad Mostar u kandidaturi za europsku prijestolnicu kulture

U ELEKTRONSKOM GLASANJU NIJE DOBILA PODRŠKU („ZA” 12, „PROTIV” 5 i „SUZDRŽANIH” 11, nakon čega je zastupnik Mahir Dević izrazio sumnju u glasanje te je provedena pojedinačna prozivka.

TAKOĐER, NAKON POJEDINAČNE PROZIVKE INICIJATIVA NIJE DOBILA POTREBAN BROJ GLASOVA („ZA” 10, „PROTIV” 3, „SUZDRŽANIH 19).

Inicijativa zastupnika Amela Mekića upućena prema Vladi, premijeru, ministrima, svim javnim ustanovama, preduzećima čiji je osnivač Kanton Sarajevo, da se obavežu da svim srednjoškolcima koji ne namjeravaju dalje školovanje, kao i studentima nakon završenih fakulteta, omoguće da obave pripravnički staž, najdalje u roku od 12 mjeseci kako bi što prije stigli na tržište rada.

USVOJENA JE JEDNOGLASNO („ZA” 31).

- *Inicijativa zastupnika Aljoše Čampare kojom traži da se osudi bilo koji vid dovođenja ratnog komandanta, nosioca najvećeg ratnog priznanja „Zlatni ljiljan” generala ARBIH Ismeta Hadžića Mutevelije u bilo koju vezu sa tzv „bošnjačkim fašizmom”.*

Je ostavljena da se o njoj izjašnjava nakon što zastupnik Čampara istu umnoži i podijeli zastupnicima kako bi se mogli izjašnjavati.

Predsjedavajući je dao pauzu za ručak u trajanju od 75 minuta nakon pozitivnog izjašnjavanja svih zastupnika aklamacijom.

U nastavku sjednice, zastupnici su pozvani da se izjasne o preostalim podnesenim inicijativama zastupnika.

- *Inicijativa zastupnika Aljoše Čampare da Skupština Kantona Sarajevo osudi bilo koji vid dovođenja ratnog komandanta, nosioca najvećeg ratnog priznanja „Zlatni ljiljan” generala A R BiH Ismeta Hadžića Mutevelije u bilo koj u vezu sa tzv „Bošnjačkim fašizmom”*
USVOJENA JE VEĆINOM GLASOVA („ZA” 31, 2 NISU GLASALA).

- *Inicijativa zastupnika Aljoše Čampare da kompletna Vlada Kantona Sarajevo kao i Skupština Kantona Sarajevo organizuju zajednički odlazak na deponiju Smiljevići kako bi se uvjerila u tamnošnje probleme*
USVOJENA JE VEĆINOM GLASOVA („ZA” 28, 5 NIJE GLASALO).

- *Zajednička inicijativa zastupnika Arijane Memić i Zvonka Marića da Skupština Kantona Sarajevo da podršku kandidaturi gradova Mostara i Banja Luke za europsku kulturnu prijestolnicu 2024 godine.*
USVOJENA JE VEĆINOM GLASOVA („ZA” 23, „PROTIV 1).

AD – 2.

PRIJEDLOG ZAKONA O IZMJENAMA I DOPUNAMA ZAKONA O UNUTRAŠNjim POSLOVIMA KANTONA SARAJEVO - HITNI POSTUPAK

Zastupnici su Prijedlog zakona dobili uz poziv za sjednicu.

Ministar Admir Katica podnio je uvodno izlaganje po pitanju hitnosti postupka.

Pitanja su postavili zastupnici: Fahrudin Pecikoza, Aljoša Čampara, Mirza Čelik, na što je ministar Katica odgovorio.

Prisutnima se obratio predsjednik Sindikata policijskih službenika MUP-a Kantona Sarajevo Sadik Ećo.

U diskusiji koja je potom uslijedila učestvovali su zastupnici: Aljoša Čampara, Samra Čosović – Hajdarević, Mahir Dević, Senad Hasanović, Elvedin Okerić, Jasmina Bišćević-Tokić, Igor Stojanović, Damir Marjanović, Zvonko Marić, Dževad Poturak, Elmedin Konaković, Bibija Kerla, Damir Nikšić.

Predsjedavajući je potom dao pauzu od pola sata kako bi Vlada Kantona Sarajevo pripremila amandmane na Prijedlog Zakona.

U nastavku, nakon pauze, ministar Admir Katica je pročitao Amandmane koje je Vlada usvojila, citiramo:

„Hvala lijepa predsjedavajući. Uvaženi zastupnici, vidim da ste već dobili *Amandman na prijedlog Zakona o izmjenama i dopunama Zakona o unutrašnjim poslovima Kantona Sarajevo* u kojem se član 2. kako sam već najavio, briše, dakle član 2. se odnosio na imenovanje i saglasnost ministra za imenovanje načelnika jedinice za JPS i za raspoređivanje inspektora u okviru jedinice za JPS. Dakle na to se odnosio. To su bili stavovi 4,5, 6 dopune člana 19. i također u članu 3. izmjena i dopuna da se mijenja i glasi: „ U članu 21. stav 5) iza tačke e) dodaje se tačka f) koja glasi: „može da traži reviziju po određenim predmetima o čemu će obavijestiti Komisiju za sigurnost”. Dakle briše se ovaj dio daje da ministar daje saglasnost na imenovanje načelnika JPS i unutrašnjih organizacionih jedinica. Isto tako, dosadašnji član 26. Zakona o izmjenama i dopunama Zakona u unutrašnjim poslovima koji se odnosi na da se iza člana 94 tako je glasio dakle da se iza člana 94 dodaje 94 a) koji glasi: „, izuzetno od odredbi člana 35 tačka d) policijski komesar u narednih pet godina od dana stupanja na snagu ovog Zakona može biti policijski službenik sa najmanje tri godine radnog iskustva u činu samostalnog inspektora. Dakle taj član se briše. A članovi koji slijede postaju članovi od 25 do 27. nadam se da sam objasnio”.

NAKON GLASANJA KONSTATOVANO JE DA JE VEĆINOM GLASOVA („ZA” 22, „PROTIV ” 7, „SUZDRŽAN” 1) DONIJELA ZAKON O IZMJENAMA I DOPUNAMA ZAKONA O UNUTRAŠNjim POSLOVIMA KANTONA SARAJEVO.

AD - 3.

PRIJEDLOG ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA KANTONA SARAJEVO - HITNI POSTUPAK

Zastupnici su dobili Prijedlog zakona uz poziv za sjednicu. Ministar Admir Katica je dao uvodno izlaganje. Također je upoznao prisutne da je Vlada usvojila amandmane na prijedlog Zakona, citiramo:

„Policijski odbor pročitao sam vam otprilike kakvo je rješenje bilo predviđeno, prema ovome amandmanu koji ćemo vam biti dostavljen bit će predviđeno da jedan član Policijskog odbora bude policijski službenik iz Uprave policije MUP-a Kantona Sarajevo. Jedan član da bude policijski službenik kojem saglasnost za imenovanje daje Sindikat policije. Jedan član penzionisani policijski službenik Uprave policije Kantona Sarajevo. I dva člana iz reda građana. I to je ta suštinska izmjena Policijskog odbora. Postoji jedna koja se odnosi na pitanje izuzetka po pitanju struke. I tu smo ustvari umjesto navođenja fakulteta naveli oblasti iz kojih potiču te struke. I vi ćete to dobiti na spisku”.

Pitanja ministru su postavili zastupnici: Aljoša Čampara, Danijela Kristić i Elvedin Okerić na koje je odgovorio ministar Katica.

Prije otvaranja diskusije, Skupštini se obratio predsjednik sindikata policijskih službenika MUP-a Kantona Sarajevo Sadik Ećo.

U diskusiji koja je potom uslijedila učestvovali su zastupnici: Aljoša Čampara, Arijana Memić, Elvedin Okerić, Amel Mekić, Damir Marjanović.

NAKON GLASANJA KONSTATOVANO JE DA JE SKUPŠTINA VEĆINOM GLASOVA („ZA” 22, „PROTIV” nije bilo, „SUZDRŽANIH” 4) DONIJELA ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA KANTONA SARAJEVO.

AD – 4.

PRIJEDLOG AUTENTIČNOG TUMAČENJA ČLANA 138. STAV 7. ZAKONA O VISOKOM OBRAZOVANJU ("SLUŽBENE NOVINE KANTONA SARAJEVO", BROJ: 33/17)

Zastupnici su dobili Prijedlog odluke u dopunskom materijalu.

Uvodne napomene podnio je zastupnik Samir Suljević predsjednik Zakonodavno-pravne komisije.

Pitanja su postavili zastupnici: Mahir Dević, Aljoša Čampara, Jasmina Bišćević-Tokić, a odgovarao je zastupnik Samir Suljević.

Potom je predsjedavajući dao riječ da se obrate Skupštini Rektor UNSA Rifatu Škrijelju i predsjedniku Sindikata UNSA.

U diskusiji koja je potom uslijedila i koja je ujedno sadržavala replike i pogrešne navode, učestvovali su zastupnici: Mahir Dević, Elmedin Konaković, Aljoša Čampara, Samir Suljević, Damir Marjanović, Zvonko Marić, Bibija Kerla, Jasmina Bišćević-Tokić, Damir Nikšić.

NAKON GLASANJA KONSTATOVANO JE DA JE VEĆINOM GLASOVA („ZA” 22, „PROTIV” 6, SUZDRŽANIH NIJE BILO) SKUPŠTINA DONIJELA ODLUKU O OSNOVANOSTI AUTENTIČNOG TUMAČENJA.

OBZIROM DA JE SKUPŠTINA POTVRDILA OSNOVANOST ZAHTJEVA ZA AUTENTIČNIM TUMAČENJE PREDSEDJAVAJUĆI JE POZVAO ZASTUPNIKE DA SE IZJASNE O PRIJEDLOG AUTENTIČNOG TUMAČENJA ČLANA 138. STAV 7. ZAKONA O VISOKOM OBRAZOVANJU.

NAKON GLASANJA KONSTATOVANO JE DA JE SKUPŠTINA VEĆINOM GLASOVA („ZA” 21, „PROTIV” 6, „SUZDRŽANIH” NIJE BILO, NIJE GLASALO 4) USVOJILA AUTENTIČNO TUMAČENJE ČLANA 138. STAV 7. ZAKONA O VISOKOM OBRAZOVANJU.

Nakon ove tačke dnevnog reda, predsjedavajući je prekinuo zasjedanje i obavijestio zastupnike da se isto nastavlja u ponedjeljak u 24.06.2019.godine.

ZAPISNIK SA
nastavka Devete radne sjednice Skupštine Kantona Sarajevo, održane u srijedu,
24.06.2019. godine sa početkom rada u 10,00 sati

Predsjedavajući Elmedin Konaković otvorio je nastavak Devete Radne sjednicu Skupštine Kantona Sarajevo i pozdravio sve prisutne.

Nakon obraćanja predsjedavajućeg uslijedilo je intoniranje Himne Bosne i Hercegovine. Izostanak sa ove sjednice opravdao je zastupnik Sabahudin Delalić i Haris Pleho.

Sjednici su prisustvuju zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Samra Ćosović-Hajdarević
4. Mirza Čelik
5. Mahir Dević
6. Amra Hasagić
7. Admela Hodžić
8. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić
4. Damir Marjanović
5. Elvis Vreto

SOCIJALDEMOKRATSKA PARTIJA BOSNE I HERCEGOVINE

1. Igor Stojanović

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Zvonko Marić
3. Dževad Poturak
4. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić

SAMOSTALNI ZASTUPNICI/ZASTUPNICE:

1. Damir Nikšić

Predsjedavajući je napomenuo prisutne da su u prvom dijelu sjednice obradili prve četiri tačke dnevnog reda, te da su preostale sljedeće tačke dnevnog reda:

5. Prijedlog odluke o imenovanju zamjenika pravobranioca Pravobranilaštva Kantona Sarajevo;
6. Prijedlog odluke o izmjeni Odluke o imenovanju Nezavisnog odbora Skupštine Kantona Sarajevo;
7. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
8. Izvještaj o izvršenju Budžeta Kantona Sarajevo za period od 01.01. do 31.01.2018.godine;
9.
 - a. Prijedlog odluke o davanju saglasnosti za potpisivanje ugovora o kupoprodaji nekretnina označene kao k.č. 1010 k.o. Sarajevo VII, u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;
 - b. Prijedlog odluke o davanju saglasnosti za potpisivanje ugovora o kupoprodaji nekretnina označene kao k.č. 319/2 i 319/6 k.o. Kobilja glava, u skladu sa članom 11. i 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;
 - c. Prijedlog odluke o davanju saglasnosti za potpisivanje ugovora o kupoprodaji nekretnina označene kao k.č. 1024/1 i k.č. 1024/2, k.o. Sarajevo VII, u skladu sa članom 23 Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;
10. Prijedlog odluke o davanju saglasnosti za zaključenje Ugovora o zakupu poslovnog prostora – bolnički kompleks bivše Klinike za kožno – venerične bolesti "Dr. Ernest Grin", za 2019. i 2020. godinu između ugovornih strana: Kliničkog centra Univerziteta u Sarajevu kao zakupodavca i Kantona Sarajevo (Ministarstva za rad, socijalnu politiku, raseljena lica i izbjeglice, Ministarstva zdravstva i Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba") kao zakupca;
11. Prijedlog odluke o davanju saglasnosti Ministarstvu unutrašnjih poslova Kantona Sarajevo za prodaju motornih vozila javnom licitacijom koja se vodi u evidenciji osnovnih sredstava navedenog Ministarstva, odnosno Uprave policije, u predloženom tekstu;
12. Prijedlog odluke o proširenju djelatnosti Javne ustanove Srednje škole poljoprivrede, prehrane, veterine i uslužnih djelatnosti, Sarajevo na djelatnost obrazovanja odraslih;
13. Izvještaj o radu i finansijskom poslovanju Kliničkog centra Univerziteta u Sarajevu za 2018. godinu;
14. Izvještaj o radu sa finansijskim poslovanjem Univerziteta u Sarajevu za period 01.01.-31.12.2018. godine, podnesen od strane Upravnog odbora Univerziteta u Sarajevu;
15. Izvještaj o radu i finansijskom poslovanju Zavoda za izgradnju Kantona Sarajevo, za 2018. godinu;
- 16.

AD – 5.

PRIJEDLOG ODLUKE O IMENOVANJU ZAMJENIKA PRAVOBRANIOCA PRAVOBRANILAŠTVA KANTONA SARAJEVO

Zastupnici Prijedlog odluke dobili u dopunskom materijalu. Kao predsjednika Komisije za izbor, imenovanja i administrativna pitanja predsjedavajući Elmedin Konaković je podnio uvodno izlaganje.

Nije bilo prijavljenih zastupnika za pitanja ili diskusiju.

NAKON GLASANJA KONSTATOVANO JE DA JE SKUPŠTINA JEDNOGLASNO („ZA” 30) DONIJELA ODLUKU O IMENOVANJU SAMIRA TERMIZA ZA ZAMJENIKA PRAVOBRANIOCA PRAVOBRANILAŠTVA KANTONA SARAJEVO.

Nakon glasanja gospodin Samir Termiz je dao Svečane izjavu.

AD – 6.

PRIJEDLOG ODLUKE O IZMJENI ODLUKE O IMENOVANJU NEZAVISNOG ODBORA SKUPŠTINE KANTONA SARAJEVO

Zastupnici su Prijedlog odluke dobili u dopunskom materijalu.

Predsjedavajući Elmedin Konaković u svojstvu predsjednika Komisije za izbor i imenovanje i administrativna pitanja iznio je uvodno izlaganje.

Nije bilo prijavljenih zastupnika za pitanja ili diskusiju.

NAKON GLASANJA KONSTATOVANO JE DA JE SKUPŠTINA VEĆINOM GLASOVA („ZA” 20, PROTIV NIJE BILO, SUZDRŽANIH 9) DONIJELA ODLUKU O IZMJENI ODLUKE O IMENOVANJU NEZAVISNOG ODBORA SKUPŠTINE KANTONA SARAJEVO.

AD – 7.

PRIJEDLOG ODLUKE O IZMJENI ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Zastupnici su dobili prijedlog odluke u dopunskom materijalu.

Predsjedavajući Elmedin Konaković u svojstvu predsjednika Komisije za izbor i imenovanje i administrativna pitanja iznio je uvodno izlaganje.

Nije bilo prijavljenih zastupnika za pitanja ili diskusiju.

NAKON GLASANJA KONSTATOVANO JE DA JE SKUPŠTINA JEDNOGLASNO („ZA” 30) DONIJELA ODLUKU O IZBORU PREDSJEDAVAJUĆIH, ZAMJENIKA

PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO.

AD – 8.

IZVJEŠTAJ O IZVRŠENJU BUDŽETA KANTONA SARAJEVO ZA PERIOD OD 01.01. DO 31.12.2018.GODINE

Zastupnici su dobili Izvještaj uz poziv za sjednicu.

Ministar Amel Kovačević je u ime Predlagača podnio uvodne napomene.

Pitanja je postavila zastupnica Neira Dizdarević na što odgovorio ministar Kovačević.

Nije bilo prijavljenih zastupnika za diskusiju te je predsjedavajući pozvao zastupnike na izjašnjavanje.

NAKON GLASANJA KONSTATOVANO JE DA SKUPŠTINA NIJE USVOJILA (ZA 14, PROTIV 4, SUZDRŽANIH 10) IZVJEŠTAJU O IZVRŠENJU BUDŽETA KANTONA SARAJEVO ZA PERIOD OD 01.01. DO 31.12.2018.GODINE.

AD – 9.

- a) Prijedlog odluke o davanju saglasnosti za potpisivanje ugovora o kupoprodaji nekretnina označene kao k.č. 1010 k.o. Sarajevo VII, u skladu sa članom 23. Zakona o eksproprijaciji FBiH u svrhu izgradnje saobraćajnice I transversale, dionica Kranjčevićeva-Bare-Hotonj;
- b) Prijedlog odluke o davanju saglasnosti za potpisivanje ugovora o kupoprodaji nekretnina označene kao k.č. 319/2 i 319/6 k.o. Kobilja glava, u skladu sa članom 11. i 23. Zakona o eksproprijaciji FBiH u svrhu izgradnje saobraćajnice I transversale, dionica Kranjčevićeva-Bare-Hotonj;
- c) Prijedlog odluke o davanju saglasnosti za potpisivanje ugovora o kupoprodaji nekretnina označene kao k.č. 1024/1 i k.č. 1024/2, k.o. Sarajevo VII, u skladu sa članom 23 Zakona o eksproprijaciji FBiH u svrhu izgradnje saobraćajnice I transversale, dionica Kranjčevićeva-Bare-Hotonj

Zastupnici su Prijedloge odluka dobili uz poziv za sjednicu.

Zastupnici su jednoglasno („ZA” 27) podržali prijedlog predsjedavajućeg da se sve tri tačke vodi jedinstvenu raspravu, a pojedinačno se izjašnjavaju, nakon diskusija.

Konstatovano je da nisu potrebne uvodne napomene, nije bilo prijavljenih zastupnika za pitanja ili diskusije, te je predsjedavajući pozvao zastupnike na izjašnjavanje.

a)

Odluka o davanju saglasnosti za potpisivanje ugovora o kupoprodaji nekretnina označene kao k.č. 1010 k.o. Sarajevo VII, u skladu sa članom 23. Zakona o eksproprijaciji FBiH u svrhu

izgradnje saobraćajnice I transverzale, dionica Kranjčevićeva-Bare-Hotonj donesena je jednoglasno („ZA” 28).

b)

Odluka o davanju saglasnosti za potpisivanje ugovora o kupoprodaji nekretnina označene kao k.č. 319/2 i 319/6 k.o. Kobilja glava, u skladu sa članom 11. i 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj donesena je jednoglasno („ZA” 29).

c)

Odluka o davanju saglasnosti za potpisivanje ugovora o kupoprodaji nekretnina označene kao k.č. 1024/1 i k.č. 1024/2, k.o. Sarajevo VII, u skladu sa članom 23 Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj donesena je jednoglasno („ZA” 29).

AD – 10.

PRIJEDLOG ODLUKE O DAVANJU SAGLASNOSTI ZA ZAKLJUČENJE UGOVORA O ZAKUPU POSLOVNOG PROSTORA – BOLNIČKI KOMPLEKS BIVŠE KLINIKE ZA KOŽNO – VENERIČNE BOLESTI "DR. ERNEST GRIN", ZA 2019. I 2020. GODINU IZMEĐU UGOVORNIH STRANA: KLINIČKOG CENTRA UNIVERZITETA U SARAJEVU KAO ZAKUPODAVCA I KANTONA SARAJEVO (MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE, MINISTARSTVA ZDRAVSTVA I KANTONALNE JAVNE USTANOVE "DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA") KAO ZAKUPCA;

Zastupnici su dobili Prijedlog odluke uz poziv za sjednicu.

Ministar Malik Garibija je u ime Predlagača podnio uvodne napomene.

Zastupnik Zvonko Marić je ime Komisije za _____ izvijestio o zaključcima koje je ova komisija donijela po ovom pitanju.

Pitanja su postavili zastupnici: Igor Stojanović, Bilsena Šahman, Zvonko Marić, Samir Suljević, Bibija Kerla, Damir Nikšić, Danijela Kristić, a odgovore je dao ministar Garibija.

U otvorenoj diskusiji učestvovao je zastupnik Igor Stojanović koji je ujedno predložio (citiramo):

„Zato ću predložiti ovdje jednu drugu odluku da Skupština donese zaključak u kojem ćemo naložiti ZZO da u svojoj tranši umanja iznos KC za ovaj iznos za koji je KC povećao kiriju bolnici u Nahorevu i molit ću zastupnike skupštinske da se o mom prijedlogu izjasne”.

Predsjedavajući je pojasnio zastupniku Stojanoviću da je za takvu odluku potrebno izjašnjenje Vlade Kantona Sarajevo jer se radi o finansijskim izmjenama, te zamolio zastupnika da svoju inicijativu prosljedi prvo Vladi.

NAKON GLASANJA SKUPŠTINA JE JEDNOGLASNO („za” 29) DONIJELA ODLUKU O DAVANJU SAGLASNOSTI ZA ZAKLJUČENJE UGOVORA O ZAKUPU POSLOVNOG PROSTORA – BOLNIČKI KOMPLEKS BIVŠE KLINIKE ZA KOŽNO – VENERIČNE BOLESTI "DR. ERNEST GRIN", ZA 2019. I 2020. GODINU IZMEĐU UGOVORNIH STRANA: KLINIČKOG CENTRA UNIVERZITETA U SARAJEVU KAO ZAKUPODAVCA I KANTONA SARAJEVO (MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE, MINISTARSTVA ZDRAVSTVA I KANTONALNE JAVNE USTANOVE "DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA") KAO ZAKUPCA.

AD – 11.

PRIJEDLOG ODLUKE O DAVANJU SAGLASNOSTI MINISTARSTVU UNUTRAŠNJIH POSLOVA KANTONA SARAJEVO ZA PRODAJU MOTORNIH VOZILA JAVNOM LICITACIJOM KOJA SE VODI U EVIDENCIJI OSNOVIH SREDSTAVA NAVEDENOG MINISTARSTVA, ODNOSNO UPRAVE POLICIJE, U PREDLOŽENOM TEKSTU

Prijedlog odluke su zastupnici dobili uz dobili poziv za sjednicu.

Zastupnici su zaključili da im nije potrebno uvodno izlaganje, a n ije bilo prijavljenih ni za pitanja ni za raspravu.

NAKON GLASANJA KONSTATOVANO JE DA JE SKUPŠTINA JEDNOGLASNO („za” 29) DONIJELA ODLUKU O DAVANJU SAGLASNOSTI MINISTARSTVU UNUTRAŠNJIH POSLOVA KANTONA SARAJEVO ZA PRODAJU MOTORNIH VOZILA JAVNOM LICITACIJOM KOJA SE VODI U EVIDENCIJI OSNOVIH SREDSTAVA NAVEDENOG MINISTARSTVA, ODNOSNO UPRAVE POLICIJE, U PREDLOŽENOM TEKSTU.

AD - 12.

PRIJEDLOG ODLUKE O PROŠIRENJU DJELATNOSTI JAVNE USTANOVE SREDNJE ŠKOLE POLJOPRIVREDE, PREHRANE, VETERINE I USLUŽNIH DJELATNOSTI, SARAJEVO NA DJELATNOST OBRAZOVANJA ODRASLIH

Prijedlog odluke su zastupnici dobili uz dobili poziv za sjednicu.

Zastupnici su zaključili da im nije potrebno uvodno izlaganje, a n ije bilo prijavljenih ni za pitanja ni za raspravu.

NAKON GLASANJA KONSTATOVANO JE DA JE SKUPŠTINA JEDNOGLASNO („ZA” 30) DONIJELA ODLUKU O PROŠIRENJU DJELATNOSTI JAVNE USTANOVE SREDNJE ŠKOLE POLJOPRIVREDE, PREHRANE, VETERINE I USLUŽNIH DJELATNOSTI, SARAJEVO NA DJELATNOST OBRAZOVANJA ODRASLIH

AD – 13.

IZVJEŠTAJ O RADU I FINANSIJSKOM POSLOVANJU KLINIČKOG CENTRA UNIVERZITETA U SARAJEVU ZA 2018. GODINU

Zastupnici su ovaj Izvještaj dobili uz poziv za sjednicu.

Uvodno izlaganje u ime Predlagača podnijela je ministrica Amela Sofić. U međuvremenu su se priključili i predstavnici KCUS.

U ime Komisije za zdravstvo izvještaj je podnijela predsjednica iste Segmedina Srna – Bajramović.

Pitanja su postavili zastupnici: Danijela Kristić, Bilsena Šahman, Zvonko Marić, Sead Milavica, Samir Suljević, Elvis Vreto, Damir Nikšić, Igor Stojanović, Vedran Jakupović, Elmedin Konaković. Odgovore su davali predstavnici KCUS prof. dr. Edo Hasanbegović i Elzana Salman rukovodilac Sektora za računovodstvo, plan i analizu.

U diskusiju su učestvovali zastupnici: Igor Stojanović, Bilsena Šahman, Danijela Kristić, Segmedina Srna-Bajramović, Vedran Jakupović, Vildana Bešlija, Zvonko Marić, Elmedin Konaković.

Po zaključivanju diskusija predsjedavajući je pozvao zastupnike da se izjasne.

NAKON GLASANJA KONSTATOVANO JE DA SKUPŠTINE NIJE („ZA 8, PROTIV 13 I SUZDRŽANIH 6) USVOJILA IZVJEŠTAJ O FINANSIJSKOM POSLOVANJU I RADU KCUS ZA 2018 GODINU.

AD – 14.

IZVJEŠTAJ O RADU SA FINANSIJSKIM POSLOVANJEM UNIVERZITETA U SARAJEVU ZA PERIOD 01.01.-31.12.2018. GODINE, PODNESEN OD STRANE UPRAVNOG ODBORA UNIVERZITETA U SARAJEVU

Zastupnici su Izvještaj dobili uz poziv za sjednicu.

Uvodne napomene je podnio Rektor UNSA Rifat Škrijelj.

Pitanja koja su potom uslijedila postavili su zastupnici: Jasmina Bišćević-Tokić, Vildana Bešlija, Admela Hodžić, Smiljana Viteškić, Samra Ćosović-Hajdarević, Mahir Dević, a odgovore je davao Rektor Škrijelj.

Zastupnici su zahtjevali da im se obrati također interni revizor UNSA Ekrem Čagalj, što je imenovani i učinio.

Zatim je i premijer Edin Forto dao odgovor na pitanja koja su mu postavljena.

U diskusiji su učestvovali zastupnici: Samra Ćosović-Hajdarević, Jasmina Bišćević-Tokić, Mahir Dević, Damir Nikšić, Damir Marjanović, Elmedin Konaković i premijer Edin Forto.

NAKON GLASANJA SKUPŠTINA JE USVOJILA VEĆINOM GLASOVA (ZA JE GLASALO 21, PROTIV je bilo 8, SUZDRŽANIH nije bilo) IZVJEŠTAJU O RADU SA FINANSIJSKIM POSLOVANJEM UNIVERZITETA U SARAJEVU ZA PERIOD 01.01.-31.12.2018. GODINE, PODNESEN OD STRANE UPRAVNOG ODBORA UNIVERZITETA U SARAJEVU.

AD – 15.

IZVJEŠTAJ O RADU I FINANSIJSKOM POSLOVANJU ZAVODA ZA IZGRADNJU KANTONA SARAJEVO, ZA 2018. GODINU

Izvještaj su zastupnici dobili uz poziv za sjednicu. Nisu smatrali potrebnim uvodno izlaganje, a pitanje direktoru Mirzi Hulusiću postavili su zastupnici: Neira Dizdarević, Hamed Aljović, Vildana Bešlija, koji su odmah i dobili odgovore.

Nije bilo prijavljenih diskutanata, a riječ je tražio i premijer Edin Forto.

NAKON GLASANJA KONSTATOVANO JE DA JE SKUPŠTINA JEDNOGLASNO (25 „ZA”) USVOJILA IZVJEŠTAJ O RADU I FINANSIJSKOM POSLOVANJU ZAVODA ZA IZGRADNJU KANTONA SARAJEVO, ZA 2018. GODINU.

Sjednica je zaključena u 14,55 sati.

Zapisnik izradila:

Lejla Kadrić

Po ovlaštenju
S E K R E T A R
SKUPŠTINE KANTONA SARAJEVO

Almira Kulovac Šetkić, dipl. pravnik

P R E D S J E D A V A J U Ć I
SKUPŠTINE KANTONASARAJEVO

Elmedin Konaković